

পুত্রেরাজে কিছুই বলিতে পারে না। হিন্দুগৃহে পুত্রেরা নিজেই পরাধীন এবং জননীর ভয়ে সর্বদা তটস্থ। তাহাদের নিজেদের স্বীর সম্বন্ধে কোন কথা বলা একেবারেই অসম্ভব। গৃহিণীরা এটাও বোঝেন না যে, কালে ইহারও একটা বিদ্যময় ফল ফলিবে। সেই বালিকা পুষ্ক-বধূরা কয়েক হইয়া যখন ৪৫টা সন্তানের জননী হইবেন, তখন তাহাদের মানসপটে যে 'স্মৃতি ব্যাধির' ছায়া পড়িয়া যায়, তাহার বিষম কুফল এই হইবে যে, হতভাগিনীদিগকে নিজেদের 'ব্যাধি' লইয়াই সর্বদা বাস্তব থাকিতে হইবে। সুতরাং তাহারা কখনইরা স্বামী পুত্রের সাহায্যের সময় পাইবেন, এবং কখনইরা তাহাদের সংসারের কর্তৃত্বভার লইবার অবসর হইবে।

এতো গেল 'স্মৃতি ব্যাধির' কথা। তাহার পর পিতা-মাতার দেনা-পাওনার বিষয় লইয়াও বধূর যে নিগ্রহ হয়, তাহা বর্ণনাতীত। অনেক স্থলে জনক-জননী আদৌ বুঝেন না যে, তাহাদের সন্তানগণ নিজ নিজ সামর্থ্যানুসারে সকলেই সংসারের সাহায্য করিতে প্রয়াসী। ইহা কাহারও বলিবার বিষয় নহে। যাহার যেরূপ সম্ভতি, সে সেই রূপই দিবে। তাহাদের সহিত অর্থ লইয়া বিবাদ বড়ই নীচত্বের পরিচায়ক। এইরূপে অর্থের জন্ত সন্তান-দিগের সহিত কলহ না করিয়া তাহারা উপার্জনকর হইলে, অর্থাৎ পরিবারের ভরণপোষণ করিতে পারে এমন অর্থ

আনিতে পারিলে, তাহাদিগের বিবাহ দিলে কোন অনর্থই হয় না। যে কাপুরুষ নিজ স্বীর জায়া-অভাব মোচন করিতে অক্ষম, এবং অর্থের জন্ত যাহার স্ত্রীকে স্বগ্রাম গমনা শুনিতে হয়, তাহার পক্ষে বিবাহ করাই বিড়ম্বনা মাত্র। আজ ভারতের এতাদিক দারিদ্র্যতাও সেই জন্ত। ইংলণ্ডে এরূপ নিরম নাই বলিয়াই সে দেশের লোক এত উন্নত।

বধূ যদি ভদ্র বংশের এবং তদ্র পরি-
বারের কন্যা হয়, তাহা হইলে তাহার
জীবন বড়ই চক্ৰবর্তী হইয়া উঠে। কেননা
এ সকল বিষয়ে সে হয় তো একেবারেই
অনভ্যস্ত। তবে অশিক্ষিতা মাতার কন্যা
হইলে তাহার ততটা কষ্ট হয় না। কেননা
সে পূর্বে হইতেই এক প্রকার অভ্যস্ত হইয়া
আছে এবং ভ্রাতৃবধূদের উপর জননীর
ব্যবহার দেখিয়া হয় তো স্বগ্রাম নিকট
সেইরূপ ব্যবহার পাইবার জন্ত প্রস্তুত
হইয়াই থাকে। আর যে ভদ্র পরিবারের
কন্যা শিক্ষাদীক্ষা সকল বিষয়েই ভ্রাতৃচিত
ভাবে পাইয়াছে, তাহার পক্ষে এরূপ
ব্যবহার নূতন ও অদ্ভুত এবং কষ্টকর।
কেননা, যে যেরূপ ভাবে প্রতিপালিত
হয়, এবং শিক্ষা দীক্ষা পায়, সে তাহার
বিপর্যায় দেখিলেই নূতন ও অদ্ভুত মনে
করে। সে যাহা কখনও কল্পনাতেও
ভাবিতে পারে নাই, সেই সকল ব্যাপারের
মধ্যে পড়িয়া একেবারে হতভম্ব হইয়া যায়।

এ তো গেল মেয়েদের কথা, তাহা
ছাড়া বধূকে পিতৃভ্রাতৃ পাইবার সময় এক

ভয়ানক ব্যাপারের অন্তর্ধান হইয়া থাকে।
বধূর কোন আত্মীয় বা ভ্রাতা আনিতে
গেলে, তাহাকে অনেক সময় লাঞ্ছিত
ও অপমানিত হইয়া ক্রুদ্ধমনে ফিরিতে
হয়। বধূর পিতা মাতা গৃহিণীকে
যথাবিহিত সম্মান দেখাইয়া এবং রোগ্য
মুদ্রার প্রাক্ক করিয়াও তাহার বিনিময়ে
শ্রদ্ধা প্রীতি আকর্ষণ করিতে সক্ষম
হন না। আমার গত ৪০ বৎসরের
অভিজ্ঞতার দেখিয়াছি ও শুনিয়াছি যে,
বহু ভিন্ন পরিবারের ভিতর এই সকল নীচ
ও ইতরজাতীয় ব্যবহার দেখিতে পাওয়া
যায়। নব বধুর স্বামিগৃহে আগমনের পর
অনেক মধ্যবিত্ত পরিবারে কি ও পাচিকার
সংখ্যা কমিয়া যায়, এবং সেই ক্ষি ও
পাচিকার কার্য্য নববধু দ্বারাই সম্পন্ন
করান হয়। কি ভয়ানক অত্যাচার! যত
কিছু নীচ কার্য্য তাহা করিয়াও তাহার
অব্যাহতি নাই। তাহার উপর আবার
বাক্যব্রণা এবং প্রহার পর্য্যন্তও অন্বষ্টে
লাভ হইয়া থাকে।

কোন বালিকার যদি ভাগ্য প্রসন্ন হয়,
অর্থাৎ সে যদি স্বামীর স্নেহ ও সহানুভূতি
লাভ করে এবং সেই সঙ্গে সকল নীচ
কার্য্যে অভ্যস্ত থাকে, অর্থাৎ সে যদি দরিদ্র
পিতামাতার সম্মান হয়, তাহা হইলে আর
তাহাকে ততটা কষ্ট পাইতে হয় না।
স্বামীর স্নেহে স্বস্তিমেবীর বাক্য স্ত্রী
বর্ষণ সহিবীর ক্ষমতা হয়। আর যাহার
চরিত্রাবলম্বিত: 'স্বামিপ্রণয়'ও মিলে না,
সে যদি নীচ কার্য্যগুলিতেও অনভ্যস্ত হয়

তাহা হইলে তাহার জ্ঞানের সীমা থাকে
না। ধনী এবং ভদ্র পরিবারের সম্মান
হইলে, ধনী পিতা হয় তো কেবল মাত্র
এম্.এ,বি.এ, পাস দেখিয়াই তুলিয়াছিলেন,
বংশ চরিত্র কিছুই দেখেন নাই।

অনেক বধূর পরিধান বস্ত্র এমন অস্বাভ-
াব্য ও মালিন দেখিয়াছি যে, তাহা ভদ্র
লোকে একেবারেই স্পর্শ করিতে পারেন
না। কিন্তু বাড়ীর কাহারও সে দিকে লক্ষ্য
থাকা দূরের কথা, পরিষ্কার এবং পরিচ্ছন্ন
বস্ত্র পরাও একটা মহা অপরাধের বিষয়
বলিয়া মনে করা হয়। বঙ্গদেশে প্রত্যেক
পরিবারের মধ্যেই খোপার পরচে এত
কার্পণ্য যে, সেরূপ অল্প দেশে খুব কমই
দেখা যায়। মোট কথা সকল প্রকারের
যত কিছু যন্ত্রণা দেওয়া যাইতে পারে, সেই
সকলই বালিকা বধূর উপর দিয়া যায়।

বধূর প্রতি অত্যাচার প্রত্যেক হিন্দু
গৃহের মধ্যেই দেখা যায়। আমার শারণা
ছিল, হিন্দুহানে হিন্দুস্থানী মহিলাদিগের
মধ্যে একপাশে বসে না। কিন্তু সংবাদ লইয়া
জানিয়াছি যে, বঙ্গগৃহে অপেক্ষা হিন্দুস্থানের
বধূদিগের প্রতি দ্বন্দ্বপ্রণয় মাত্র। কোন
অংশেই নূন নহে।

বয়ঃস্থা গৃহিণীদের যুখে শুনা যায় আজ
কালের বধূরা স্বস্ত্র, দেবর ও ননদের প্রতি
শ্রদ্ধাহীনতার পরিচয় দিয়া থাকেন, এবং
কর্তব্য কর্ম্মেও বড় শিথিলতা প্রকাশ
করিয়া থাকেন। এ সকল কথা সত্য হইতে
পারে, তাহাতে কিছুই আশ্চর্য্যের বিষয়
নাই। শিক্ষা ও দীক্ষা অহসারে ভদ্র ও অভদ্র

পরিবারের কতৃদ্বয়ের মধ্যে আঁকাশ পাতাল পাথক্য হয়। কিন্তু বধুদিগের প্রতি শত্রুদিগের রূঢ় ব্যবহারই তাহার একমাত্র কারণ বলিয়া বোধ হয়। তাহার কোন ভুল নাই! কারণ যাহারা বালিকা বয়েসে শত্রুর নিকট যত অধিক যত্নগা পাইয়াছে, তাহারাই বয়ঃস্ফূর্ত হইয়া শত্রুর প্রতি তত শ্রদ্ধাহীনতার পরিচয় দিয়া থাকে।

কর্তব্যে শিথিলতার একমাত্র কারণ অশিক্ষিতা মাতার সম্মান বলিয়া শিক্ষার অভাব। অনেক মাতা মনে করেন যে, শত্রুরালয় গিয়া কতৃকে তো খাটিতেই হইবে, জুতরাং তাঁহার গৃহে তাহার আশ্রয়ের প্রার্থন দেওয়া অত্যন্ত কার্য্য বলিয়া মনেই করেন না। পূর্বেই বলিয়াছি শিক্ষা এ সকলের একমাত্র কারণ।

হিন্দুসমাজে যত্নপূর্ণ জীশিক্ষার উন্নতি বিধান করা হয়, এবং ছাত্রজীবনে যুবকদিগকে পরিণয়-শুশ্রূষা আবদ্ধ না করিয়া, উপযুক্ত বয়সে উপার্জনক্ষম হইলে নিজ নিজ ইচ্ছানুসারে শিক্ষিতা রমণী বিবাহ করিবার স্বাধীনতা দেওয়া হয়, তাহা হইলে বধুযত্নগা শেষ হয়। মোট কথা, বাল্যবিবাহ-প্রথা এককালে উঠিয়া যাওয়া উচিত। নতুবা হিন্দুগৃহে বধুর যত্নগা চিরদিনই থাকিয়া যাইবে। সকলেই জানেন যে, বহু পূর্বে হিন্দুদিগের ঘরে ঘরে বধুদিগের প্রতি যত্নেচ্ছা অত্যাচারের কথা শুনা যাইত। বড়ই ছঃখের বিষয় যে, আজকাল ভারতের প্রত্যেক জাতিই পূর্বাগমন। কিছু না

কিছু উন্নতি লাভ করিয়াছে, কিন্তু হিন্দুগৃহে বধুর যত্নগা পূর্বের স্তায় বর্তমান রহিয়াছে।

আশা করি, হিন্দু ভগিনীগণ আমার এই প্রবন্ধটি পাঠ করিয়া সতর্ক হইবেন এবং ঘরে ঘরে শিক্ষিতা মাতা ও শিক্ষিতা শত্রুগণ নিজ নিজ কতৃ ও পুত্রদিগকে উপযুক্তরূপে শিক্ষা দান করিয়া যত্নগারূপ অত্যাচার হিন্দুর গৃহ হইতে উঠাইয়া দিবেন।

তাহা হইলে তাঁহারা দেখিবেন যে, বধুর নিকট কিরূপ শ্রদ্ধা, ভক্তি, প্রীতি লাভ করিতে সক্ষম হওয়া যায়। তাঁহারা আরো দেখিবেন যে, প্রতি বধুগৃহে কিরূপ স্বাধ ও শান্তির ভবন হইয়া উঠিবে।

বালিকা-বয়সে ঘাত প্রতিঘাতে চূর্ণ বিচূর্ণ হৃদয় কখন বয়ঃস্ফূর্ত হইলে প্রসারিত হইয়া শ্রদ্ধা প্রীতি দিতে পারে না। তাহারই মধ্যে শত্রুদেবীরা যেটুকু লাভ করেন, সে কেবল একমাত্র কর্তব্যের অজুরোধে, এবং স্বামীর সম্মান রক্ষার জন্য বধুরা করিয়া থাকে।

ভগিনীগণ! আপনাদিগের নিকট আমার বিনীত অজুরোধ, আপনারা আমার প্রতি অসন্তুষ্ট হইবেন না। হিন্দুগৃহে বধুর যত্নগা বা শান্তি বাহাতে লোপ পায়, সকলের সেই বিষয়ে মনোযোগ আকর্ষণ করাই আমার এই প্রবন্ধ লেখার উদ্দেশ্য। ভগবৎরূপায় আমাকে কখন বধুযত্নগা ভোগ করিতে হয় নাই। কিন্তু কয়েকটা পরিবারের মধ্যে যে সকল

দেখিয়াছি ও শুনিয়াছি, তাহাতে জনয়ে
অত্যন্ত আঘাত পাইয়াই এই প্রবন্ধের
অবতারণা করিতে বাধ্য হইয়াছি। মনুষ্য
সৃষ্টির উন্নত জীব হইয়া এ সকল যে বুঝে
না ইহা বড়ই আশ্চর্যের বিষয়। বেহ
মমতা পাইলে বনের পশু পক্ষী পর্যন্ত
তাহার প্রতিদান করিয়া থাকে, তবে
হিতাহিতজ্ঞানসম্পন্ন মনুষ্য তাহা কেন
করিবে না? মিত্র মৃত্যুকাতে যে ছাপ
লাগান যায়, তাহা শুকাইয়া শক্ত হইয়া
গেলে চিরদিন রহিয়া যায়। অশিক্ষিত
গৃহিণীরা যন্ত্রণা এবং চর্যাবহার দ্বারা
বালিকার কোমল হৃদয়ে যে ছাপ বসাইয়া
দেন, তাহা তাহাদের জীবনের চির-
সহচর হইয়া যায়। সুতরাং তাহারাই
আবার যখন শিশুরূপে দণ্ডায়মান হয়,
তখন শত্রুর নিকট যে ব্যবহার শিখিয়াছে
তাহা বধুদিগের প্রতি করিয়া থাকে।
অনেক স্থলে দেখিয়াছি, জননী ধৈর্য-
শালিনী ও মমতাময়ী হইলেও তাহার কড়া
বয়ঃস্থা হইলে কর্কশভাষিণী ও অসহিষ্ণু
হইয়া উঠে। তাহারও একমাত্র কারণ এই
যে, নীচতার ভিতর থাকিয়া এবং মর্কদা
নানারূপ যন্ত্রণা ও অশান্তি ভোগ করিয়া
তাহার স্বভাব বড়ই অধীর হইয়া পড়ে।
হিন্দুগৃহে দ্বাদশ বৎসরে বিবাহপ্রথা

প্রচলিত থাকিতে কোন শিক্ষাই সম্পূর্ণরূপ
হইয়া উঠে না। যে বয়সে পুতুলখেলার
সময়, সেই বয়সেই তাহাদের নিম্ন পরীক্ষা
আরম্ভ হইয়া থাকে। তাহাতে তাহার
সুশিক্ষার অভাবে কুশিক্ষাই পাইয়া
থাকে। সে স্থলে কিরূপে ভবিষ্যতে
এবং বর্তমানে হিন্দুজাতির উন্নতির আশা
করা যায়? আর তাহার আশাই বা
কোথায়?

যে হিন্দুধর্ম প্রভাবে চৈতন্যদেব আপামর
সাধারণকে প্রেম বিলাইয়াছিলেন, সেই
হিন্দুধর্মে দীক্ষিত হইয়া, ভগিনীগণ!
আপনারা কোন্ প্রাণে মেহের পুত্রলি
আদরের ধন পুত্রবধুদিগকে মেহের
পরিবর্তে কষ্ট এবং যন্ত্রণা দিয়া থাকেন?
যে জাতি নিজ পরিবারের ভিতর মেহ,
প্রেম দিতে অপারক, বিধে প্রেম সে জাতি
কোথা হইতে শিখিবে? সে জাতির
উন্নতির আশা ও চরাশা নাই। জগদীশ্বরের
চরণে প্রার্থনা করি, আমার হিন্দু ভ্রাতৃগণ
যেন গৃহের রমণীগণের শিক্ষা বিধানে সচেষ্ট
এবং যত্নবান হইয়া ভগবৎরূপার হৃদয়ে
শক্তি এবং উৎসাহ লাভ করেন। তাহা
হইলে প্রতি হিন্দুগৃহ শান্তি ও সুখের
আলয় হইয়া উঠিবে। ইতি

শ্রীমতী জ—মাস্তাল।

চারিত্রিক ইতিকথা।*

অধুনা কবির মহাকৈলের গ্রন্থাবলী স্মরণরূপে মুদ্রিত হইয়া বাঙ্গালীর গৃহে গৃহে স্থান পাইয়াছে। শ্রীযুক্ত উপেন্দ্রনাথ মুখোপাধ্যায় মহাশয়ের নিকট মেজাজ বাঙ্গালা সাহিত্য ও সাহিত্যের সেবক ও পাঠক সকলেই গণী। বর্তমান সংস্করণের পূর্বে মহাকৈল গ্রন্থাবলীর আর এক সংস্করণ প্রচারিত হইয়াছিল। উহাতে “কুসুম কলিকা”-প্রণেতা শ্রীযুক্ত প্রসন্ন কুমার ঘোষ মহাশয়ের লিখিত মহাকৈলের কাব্যগ্রন্থের একটি সমালোচনা সন্নিবেশিত হইয়াছিল। “বসুমতী” পুস্তক-বিভাগ হইতে মহাকৈলের যে কাব্য-গ্রন্থাবলী প্রকাশিত হইয়াছে, উহার মধ্যেও সেই সমালোচনা প্রদত্ত হইয়াছে। সমালোচনাটি এক সময়ে বড় আগ্রহের সহিত পাঠ করিয়াছিলাম। আজ পর্যন্ত সেরূপ পক্ষ-পাতশূন্য ও খাঁটি সমালোচনা খুব কম পাঠ করিয়াছি বলিয়া মনে হয়। এই “কুসুম কলিকা”-প্রণেতা প্রসন্ন বাবু কে, তাহার অগ্রসন্ধান করিতে বিরত হই নাই। কিন্তু “কুসুম কলিকা” কিংবা তাহার রচয়িতা এতদূরত্বের কাহারও কোন সংবাদ কখনও পাইব এমন আশা ছিল না।

হঠাৎ কলকাতায় যেদিন পূর্ব জেলার অন্তর্গত কাঁধি মহকুমায় যাইতে হয়। বাঙ্গালা সাহিত্যের ভূষণ বঙ্কিমচন্দ্র এক

সময়ে কাঁধিতে বাস করিয়াছিলেন। সেখানে তাঁহার কোন কোন গ্রন্থের কোন কোন অংশবিশেষ রচিত হইয়াছিল, এ কথাও শুনিয়াছিলাম। কাঁধিতে গিয়া অবধি বঙ্কিমচন্দ্র সম্বন্ধে কিছু সংবাদ রাখেন, এমন লোকের সন্ধান করিয়াছিলাম। এই উপলক্ষে শ্রীযুক্ত প্রসন্নকুমার ঘোষ মহাশয়ের সহিত আমার পরিচয় হয়।

প্রসন্নকুমার বাবু বয়সে প্রাচীন। প্রবেশিকা পরীক্ষার উত্তীর্ণ হইয়া তিনি কলিকাতাতেই ‘লণ্ডন মিশনারি কলেজে’ এফ, এ পড়েন। সেই সময়ে কবির হেমচন্দ্রের সহিত তাঁহার পরিচয় হয়। প্রসন্ন বাবুর নিকট বঙ্কিমচন্দ্র সম্বন্ধে কিছু শুনিব আশা করিয়াছিলাম, কিন্তু তৎ-পরিবর্তে কবির হেমচন্দ্র সম্বন্ধে অনেক কথা শুনিতে পাইয়াছিলাম।

হেমচন্দ্রের সহিত পরিচয়ের কিছুদিন পরে (সে প্রায় ত্রিশ বৎসর পূর্বের কথা) প্রসন্ন বাবু তাঁহার দুই পুত্রের গৃহশিক্ষক ও অভিভাবক নিযুক্ত হন। এই সূত্রে হেম-চন্দ্রের সহিত তাঁহার বিশেষ ঘনিষ্ঠতা হইয়া-ছিল। প্রসন্ন বাবু বৃদ্ধ বয়সে নানা প্রকার শারীরিক ও মানসিক অসুস্থতার মধ্যেও হেমচন্দ্রের দৈনন্দিন জীবনের অতি ক্ষুদ্র ক্ষুদ্র ঘটনাও এমন স্মরণরূপে স্মরণ করিয়া রাখিয়াছিলেন যে, যিনি তাহা শুনিতে,

* “ইতিকথা” শব্দটি ইংরাজী anecdote শব্দের সহিত একার্থবোধক। প্রাচীন সাহিত্যিক শ্রীযুক্ত রায় কালীপ্রসন্ন ঘোষ বাহাদুর মহাশয় “ইতিকথা” শব্দ প্রচলন করিয়াছেন। লেখক।

তাঁহাকেই বিস্মিত ও মুগ্ধ হইতে হইত। প্রসন্ন বাবুর সহিত মাফাং করিতে গিয়া অনেক দিন রাত্রি দেড় প্রহর পর্য্যন্ত একা-সনে বসিয়া তাঁহার নিকট অবিক্রিয়ভাবে হেমচন্দ্রের কথা শুনিয়াছি। আমার মনে হয় হেমচন্দ্রের প্রতিভা ও প্রেমপ্রবণ হৃদয়ের সম্মান অমন করিয়া আর কেহ করিতে পারে নাই। সন্ধ্যার রান প্রদীপা-লোকে বসিয়া কত সময়ে দেখিয়াছি যে, সেই নির্জন গৃহে হেমচন্দ্রের কথা বলিতে বলিতে শেতশ্রু প্রায়স্কুমারের বান্ধিক্য-সুভাব অবসাদ ও জড়তার ভাব তিরোহিত হইত ও তাহার পরিবর্তে তাঁহার মুখ-মণ্ডল এক অপূর্ব উৎসাহ, শ্রদ্ধা ও ভক্তির ভাবে পূর্ণ হইত।

মাইকেলের কাব্য-গ্রন্থাবলীর সমা-লোচনার ভার হেমচন্দ্রের উপর পড়িয়াছিল। হেমচন্দ্র সেই ভার প্রসন্নবাবুর উপর দেন। প্রসন্ন বাবুর বিচার ও বিশ্লেষণ শক্তির উপর তাঁহার অসীম বিশ্বাস ছিল। বৃত্ত-সংহার কাব্য রচনাকালে প্রসন্নবাবু তাঁহার একজন প্রধান সহচর ছিলেন। প্রতিদিন যে অংশ রচিত হইত, সেটুকু সন্ধ্যার পর হেমচন্দ্র নিজে তাঁহাকে পড়িয়া শুনাইতেন। অধিকাংশ সময় প্রসন্ন বাবু নীরবে শুনিয়া যাইতেন। হেমচন্দ্রের তাহা ভাল লাগিত না। তিনি সমালোচনা চাহিতেন। প্রসন্ন-কুমার মস্তমুগ্ধ হইয়া সমালোচনার অতীত রাজ্যে বাস করিতেন। কিন্তু হেমচন্দ্রের বারবার অনুরোধে তিনি অবশেষে সময়ে সময়ে তাঁহার মতামত প্রকাশ করিতেন।

তখন হেমচন্দ্রের কবিত্বের সুপ্রতিষ্ঠিত হইয়াছে। সেরূপ অবস্থায় অপর কেহ হইলে নিজের কবিতা সম্বন্ধে লোকের মতামত জিজ্ঞাসা করা নিতান্তই নিম্প্রয়ো-জন মনে করিত, কিন্তু হেমচন্দ্রের সেরূপ দৃষ্ট সম্ভবপর ছিল না। নিজের প্রতিভা সম্বন্ধে তিনি অনেক সময়ে সন্দে-হান হইতেন। নিজের বিচার বুদ্ধিকে সকল সময়ে শ্রেষ্ঠ বলিয়া মনে করা তাঁহার অভ্যাস ছিল না। তিনি নিজের মত, নিজের বিচার, বুদ্ধি ও নিজের কবিত্ব-শক্তিকে যতটুকু শ্রদ্ধা করিতেন, অপরের মত, বিচার, বুদ্ধি ও কবিত্বশক্তিকে ততোধিক শ্রদ্ধা করিতেন। ইহাতেই তাঁহাকে অনেক সময়ে নিজের প্রতিভা সম্বন্ধে সন্দেহান করিয়া তুলিত। বঙ্গের অন্যান্য আধুনিক কবি অপেক্ষা তিনি বিনয়মহন্তে যে অনেক উর্দ্ধ লোকে বাস করিতেন, তাহা বলা বাহুল্যমাত্র।

অনেকেই জানেন হেমচন্দ্রের একটা প্রধান দোষ এই যে, তিনি সুরাপায়ী ছিলেন। কেহ কেহ ইহা অপেক্ষা গুরুতর অপরাধও তাঁহার স্বন্ধে চাপাইরা থাকেন। প্রসন্ন বাবু হেমচন্দ্রকে যেরূপ মহৎ হৃদয়ের লোক বলিয়া বর্ণনা করিতেন, তাহা শুনিলে কালিদাসের কথায় বলিতে ইচ্ছা হয়—

“একো হি দোষো গুণসন্নিপাতে

নিমজ্জতীন্দোঃ কিরণোদ্যোক্তঃ।”

অমিতব্যয়িতা এবং অতিরিক্ত দানশীলতার জন্তই যে কবির হেমচন্দ্র শেষজীবনে

জীবিকানির্ভারের অল্প পরের উপর নির্ভর করিতে বাধ্য হইয়াছিলেন, তাহা অনেকেই জানেন। প্রসন্নবাবুর নিকট শুনিয়াছি হেমচন্দ্র প্রতিভাশালী কবি না হইলেও, শুধু তাঁহার বিনয়, নম্র ব্যবহার ও দান-নীপতার জন্যই আমাদের দেশের একজন অগ্রণীয়া ব্যক্তি হইয়া থাকিতেন। কত দীন ছাত্র, কত কতাদায়গ্রস্ত পিতা, কত অনাথা বিধবা তাঁহার আশ্রয় ও অনুগ্রহ লাভ করিয়া জীবনে ঘোর অন্ধকারের মধ্যে আশার আলোক দেখিতে পাইয়াছে, কে তাহার সংখ্যা করিবে? হেমচন্দ্র দান করিবার সময় অর্থের হিসাব দেখিতেন না। ওকালতিতে তাঁহার যেমন অর্থায়ন হইত তেমনই অজস্রদ্বারে তিনি অর্থব্যয়ও করিতেন। তাঁহার আয় ব্যয়ের হিসাব ছিল বলিয়া মনে হয় না, কোন হিসাব থাকিলে নিশ্চয় দেখা যাইত যে, তাঁহার খরচের অঙ্কগুলি জমার তুলনায় নিতান্তই গুরুতর হইয়া উঠিয়াছিল।

প্রসন্ন বাবু মাইকেলের গ্রন্থাবলীর যে সমালোচনা করিয়াছেন, উহা গ্রন্থাবলীতে সন্নিবেশিত হইবার পূর্বে হেমবাবুর হাতে গিয়াছিল। হেমচন্দ্র উহা আত্মোপাধি পাঠ করিয়া বলিয়াছিলেন “আমার উপর যে তার অস্ত্র হইয়াছিল, আমি সে গুরু ভার হইতে মুক্ত হইলাম। অধিকন্তু আনন্দের বিষয় এই যে, আমা অগেঞ্চা উপযুক্ত লোকের দ্বারা সমালোচনার কার্য সম্পন্ন হইয়াছে।”

কবির নবীনচন্দ্র এক সময়ে প্রকাশ্যে

হেমচন্দ্রকে বিক্রপ করিয়াছিলেন। হেমচন্দ্রও সে বিষয় অবগত ছিলেন। কিন্তু তিনি কলিকাতায় আসিয়া প্রসন্নবাবুর মুখে হেমচন্দ্রের কথা শুনিয়া হেমচন্দ্রকে দেখিতে ও তাঁহার সহিত পরিচিত হইতে উৎসুক হন। হেমচন্দ্রের সহিত সাক্ষাৎ ও পরিচয়ের পর নবীনচন্দ্র তদীয় স্তম্ভ ও হেমচন্দ্রের অনুরক্ত দীপানচন্দ্রের নিকট বলিয়াছিলেন “এমন লোকের বিরুদ্ধে লেখনী ধারণ করিয়া আমি বাস্তবিক গঠিত করিয়াছিলাম,” নবীনচন্দ্র একদিন তাঁহাকে বিক্রপ করিয়াছিলেন একথা শ্রবণ থাকা সত্ত্বেও তাঁহার প্রতি হেমচন্দ্র মৌলম্য প্রদর্শনে বিন্দুমাত্র রূপণতা করেন নাই।

হেমচন্দ্রের হৃদয় কত বড় ছিল তাহা একটা ঘটনা হইতে বেশ বুঝিতে পারা যাইবে। যখন প্রসন্নবাবু তাঁহার পুত্রদের শিক্ষকপদে নিযুক্ত ছিলেন, তখন একদিন অপমানসূচক ব্যবহার করায় হেমচন্দ্রের এক পুত্রকে (শুনিয়াছি এই পুত্রের দেহান্ত হইয়াছে) তিনি বেজাঘাত করেন। বালক সামান্য প্রহারে চীৎকার করিয়া কাঁদিয়া উঠে, তাহাতে হেমবাবু অল্প গৃহ হইতে প্রসন্নবাবুকে একখানি চিরকুট লিখিয়া পাঠান। চিরকুট পাঠ করিয়া প্রসন্নবাবু শান্তি বদ্ধ করিয়া বালককে হেমচন্দ্রের নিকট পাঠাইয়া দিলেন। রোদনপরায়ণ বালক, শিক্ষক জঙ্ক হইয়াছেন মনে করিয়া পিতার নিকট গেল। হেমচন্দ্রের নিকট গিয়া বালক শিক্ষকের বিরুদ্ধে যেই একটা

মাত্র কথা উচ্চারণ করিয়াছে, অমনি হেম-
চন্দ্র আসন ত্যাগ করিয়া পুত্রের গণ্ডদেশে
একটা চপেটাঘাত করিলেন। প্রসন্নবাবু
ভৎসপাৎ সেখানে, গিয়া উপস্থিত হইয়া
অধিকতর শাস্তি হইতে বালকটাকে
বাঁচাইবার চেষ্টা করিলেন। কিন্তু হেম-
চন্দ্র কুপিত গিঃহের জ্বার গর্জন করিয়া
বলিলেন “আপনি কোন কথা বলিবেন না,
ও আজ আপনাকে অপমান করিয়াছে,
কাল আমাকে করিবে।”

বালক যাহা ভাবিয়া পিতৃগরিধানে
গিয়াছিল তাহার ফল সম্পূর্ণ বিপরীত
ঘটিল। হেমচন্দ্র প্রসন্নবাবুকে বলিলেন
“আপনি জানিবেন, আমাতে এবং
আপনাতে কোন পার্থক্য নাই, আপনি
আমার চাকর কিংবা অধীনস্থ ব্যক্তি
নহেন। ভগবান্ আমার উপর এই
পুত্রদের লালন পালন ও শিক্ষার ভার
দিয়াছেন, কিন্তু বিষয়কর্মে অনেকটা সময়
দিতে হয় বলিয়া আমি নিজে উহাদের
পড়াশুনার তত্ত্বাবধান করিতে পারি না।
আপনি আমার পরম সুহৃৎ যে সেই
কঠিন কর্তব্যপালনে স্বেচ্ছায় আমার
সহায়তা করিতেছেন। আপনার নিকট
আমার ঋণ অপরিশোধনীয়।”

যে দেশের ছাত্র ও ছাত্রের পিতা
প্রাইভেট টিউটরকে ভদ্রবেশী ভূত্যা
অপেক্ষা অধিক সম্মান করিতে জানেন
না, সেই দেশে হেমচন্দ্রের মত লোকের
জন্ম হইয়াছিল। প্রসন্নবাবু বলেন,
“হেমচন্দ্রের মত জীবন্ত মানুষ খুব কম
দেখিয়াছি।” হেমচন্দ্র যে জীবন্ত মানুষ
ছিলেন, তাহাতে সন্দেহ কি? জীবন্ত
মানুষ না হইলে কি চক্ষু হারাইয়া,
নারিজ্যের শিলাবন্ধে নিষ্পেষিত হইয়া ও
পরের হৃৎথে বাধিত হইয়া লিখিতে
পারিতেন—

“হেলিয়া আমার গায় লভিয়া আশ্রয়,
কতই লতিকা লতা ছিল সে সময়,
নিজ পর ভাবি নাই অনন্ত উপায়,
যে এসেছে আশা করে দিয়েছি তাহার,
এখন আপনি হেলে পড়েছি ধরায়।
দুর্গত আশ্রিত জন কাঁদিয়া বেড়ায়,
কে দেখে আমারে আজ কিরারে নয়ন,
হের ঐ তরুটার কি দশা এখন।”

চিন্তাবিকাশ।

হেমচন্দ্র শুধু কবি ছিলেন না, তাঁহার
জ্ঞান জদয়বান্ লোক বঙ্গদেশে বিরল।
এই চ’য়ের সমাবেশ তিনি আধুনিক বঙ্গীয়
কবিগণের শীর্ষস্থানীয় হইয়াছিলেন।

শ্রীহৃদপ্রকাশ বন্দ্যোপাধ্যায়।

প্রাচীন ভারতের অনুলেপন দ্রব্য।

প্রাচীন আর্ঘ্যগণ বিবিধ প্রকার গন্ধ-
দ্রব্য ও বিবিধ প্রকার অনুলেপন দ্রব্য

দ্বারা গাত্র ভূষিত করিতেন। তাঁহারা
গন্ধদ্রব্য সকল ভাল বাসিতেন বলিয়া

দেবপ্রীতি উদ্দেশে ঐ গুলি দেবতাদিগকে নিবেদন করিতেন। শারে পক্ষোপচার, দশোপচার ও বোড়শোপচার দ্বারা যে পূজার বিধান আছে, সেই কয়েকপ্রকার উপচারের মধ্যেই গন্ধ উপচারটা আছে। পক্ষোপচার দ্বারা পূজা করা না হইলেও কেবল গন্ধ ও পুষ্প দ্বারা পূজা করা হইয়া থাকে। সুতরাং বুঝিতে হইবে আৰ্য্যদিগের প্রধান প্রীতিকর গন্ধ অমুলেপনটী দেবপূজার একটি প্রধান সামগ্রী ছিল।

প্রাচীন আৰ্য্যগণ স্নানের সময় উত্তম-রূপে অঙ্গসংস্কার করিতেন। ঐ অঙ্গসংস্কারকে পরিকর্ষ বলা হইত। একটা কাজ করিয়া প্রয়োজন বশতঃ তাহার অমূল্যে অল্প কাজ করাকে পরিকর্ষ কহে। ইহাই পরিকর্ষ শব্দের ব্যুৎপত্তি-লভ্য অর্থ। স্নানকালে পূর্ব দিনের অমূল্য চন্দন বিলুপ্ত হইয়া যাইত, এই জন্ত স্নানাদি করিয়াই তাহারা ঐ গুলির প্রবোধন বা অমূল্য বোধ করিতেন, অর্থাৎ যে সকল চন্দনাদির গন্ধ থাকিত না, আবার যতপূর্বক সেই সকল গন্ধের উদ্দীপন করিতেন। এই জন্ত একপ অমুলটানকে পরিকর্ষ বলা যাইত। কর্পূর, অগুরু, কস্তুরি ও কক্কোল সমভাবে একত্র করিলে যে দ্রব্য হয়, তাহাকে যক্ষকর্দম বলে। ঐ সকল অমুলেপন যক্ষদিগের প্রিয় ছিল বলিয়াই হয়ত গুণাহুসারে উহার নাম যক্ষকর্দম হইয়া থাকিবে। ঐ অমুলেপনটী তৎকালে সাধারণভাবে প্রচলিত ছিল। অনেক গুলি গন্ধ দ্রব্যের চূর্ণকে বাসবোগ কহে।

পূর্বকালে কেহ কেহ যক্ষকর্দমের পরিবর্তে উক্তবিধ বাসবোগ ব্যবহার করিতেন। সেকালে শরীরে ধার্য্য গন্ধ-দ্রব্য ও অমুলেপনদ্রব্য নানা প্রকার ছিল। যথা স্বেতচন্দন, রক্তচন্দন, অগুরু, কুসুম, সিলারস, মৃগনাভি, জাতিফলচূর্ণ, তাম্রপর্ণী (মুড়ানাংসী), পুষ্করমূল, বেণার মূল ইত্যাদি।

ঐ সকলের মধ্যে কোন কোনটা স্নানের পর গার স্নগন্ধ করিবার জন্ত, কোন কোনটা নিজের ও অস্ত্রের স্রাণে-ছিয়ের প্রীতি সম্পাদনের জন্ত ব্যবহৃত হইত। কোন কোনটা বা বিশেষ বিশেষ বিলাস বা বাবুগিরির জন্ত মাঝা হইত। কোন কোনটা শৈতান্যায়ের জন্ত, কোন কোনটা বা তাপনাশের জন্ত, অমুলেপন করা হইত। কোন কোন গন্ধ-দ্রব্য ছর্জিত ও ছর্মুলা বলিয়া সাধারণ লোকে তাহা প্রস্তুত করিয়া বা ক্রম করিয়া ব্যবহার করিতে পারিত না। কি ভদ্র, কি ইতর, কি ধনী, কি নির্ধন সকলেই চন্দন, বেণার মূল প্রভৃতি অনেক গুলি অমুলেপন দ্রব্য আদরপূর্বক গাত্রে লেপন করিতেন। কিন্তু প্রত্যেক গন্ধ-দ্রব্য ও প্রত্যেক অমুলেপন দ্রব্যই যে ব্যক্তিবিশেষের স্বাস্থ্য রক্ষার পক্ষে অমূল্য ছিল, তাহা বলা বাহুল্য।

ভাবপ্রকাশ প্রভৃতি সংস্কৃত গ্রন্থে চন্দনের অনেকগুলি গুণ বর্ণিত আছে। উহা বমি, জ্বর, কুসি, তৃষ্ণা ও মহাপ শান্তি করে এবং মুখ ও অস্ত্রাঙ্গ স্থানের রোগনাশ

করে। ষায়ে চন্দন লেপন করিলে তাহার সৌগন্ধে মনে এক প্রকার অনুপম আনন্দ উপস্থিত হয়। উহাতে একপত্রক বর্ণনাভীত ক্ষুধি আনয়ন করিয়া দেয় যে, তাহা অনতিপ্রায়োপস্থিত বিমর্ষ-ভাবে বহু দূরে নিক্ষেপ করিয়া ফেলিতে সমর্থ হয়। উহা যেমন বিষয়াভিলাষীর মনে রাগবিশেষ আনিয়া দেয়, তেমনি ঈশ্বরভক্তের হৃদয়েও ভগবৎপ্রেমের আবেশ জন্মাইয়া থাকে। তাহার কারণ সংক্ষেপে ইহাই নির্দেশ করা যাইতে পারে যে, মন প্রকৃত থাকিলে যিনি যে বিষয়ের অধ্যয়নেই নিবিষ্টপর থাকুন না, তিনি তাহাতেই কৃতকার্যতা লাভ করিতে পারেন। যেত চন্দনের গাঙ্গসম্ভাপ নাশ করিবার ক্ষমতা অনেকে উপলব্ধিও করিতে পারেন।

যেত চন্দন যেরূপ তাপনাশ করে, তেমনি অগুরু চন্দন শৈতানাশ করে। দেবীপুরাণে লিখিত আছে ;—

“চন্দনোড়ধর দাহনির্কোপলেপানাং,
রাগাগুরুণী শীতাপনয়প্রলেপানাং
লোমজ্যোতী শীতং দাহত্বগদোষ-
স্বেদাপনয়নপ্রলেপনানাং।” ইত্যাদি।

অর্থাৎ দাহনাশক লেপন সকলের মধ্যে চন্দন ও উড়ুধর, শীতনাশক প্রলেপ

সকলের মধ্যে রাগা ও অগুরু, দাহনাশক, ত্বগদোষহারক ও স্বেদাপনয়ন প্রলেপন-সমূহের মধ্যে বেণার মূল শ্রেষ্ঠ।

বেণার মূল যে অত্যন্ত তাপনাশক তাহা আমরা অনেক দিন হইতে পরীক্ষা করিতে ইচ্ছুক ছিলাম। এক দিন অত্যন্ত গ্রীষ্মের সময় যখন শরীরের বর্ষ ও তাপের আগায় অস্থির হইয়া পড়িয়াছিলাম, তখন বেণার মূল বাটিয়া গায়ে মাখিয়া দেখিলাম অত্যন্ত কালের মধ্যে সেই অসহ্য উত্তাপের আশ্চর্যরূপে শাস্তি হইয়া গেল। তখন হইতে শাস্তোক্ত অল্পলেপন সকলের গুণ বিশেষরূপে পরীক্ষা করিয়া দেখিবার ইচ্ছা হইল। পুষ্করমূলেরও ঐরূপ গুণ পরীক্ষা করিয়া দেখিয়াছি। শীতের সময় অগুরু বা কৃষ্ণ চন্দন গায়ে মাখিয়া দেখিয়াছি যে, উহাতে শরীরের শৈত্য অনেকটা নাশ করে। ঐ সকল লেপন দ্রব্য বায়ুসাপেক্ষ নহে, বিশেষতঃ পল্লীগ্রামে পুষ্করমূল, বেণার মূল প্রভৃতি দ্রব্য প্রায় সহজলভ্য। কোন কোন অল্প-লেপন দ্রব্য অল্প বায়ে কিনিতে পারা যায়। হুতরাং সকলেই ইচ্ছা করিলে সহজলভ্য বা অল্পব্যয়লভ্য বিলেপন দ্রব্য সকল গায়ে মাখিয়া প্রীতি ও স্বাস্থ্যলাভ করিতে পারেন। (ক্রমশঃ)

শিক্ষা।

জগৎপাতা জগদীশ্বর মানবকে কতকগুলি বৃত্তি দিয়াছেন। সেই বৃত্তিগুলির যথাযোগ্য চালনার নাম শিক্ষা। চালনা না হইলে কোনও বৃত্তিই সমাক্ষুণ্ণ লাভ করিতে পারে না।

শিক্ষা দ্বিবিধ—শারীরিক ও মানসিক। দৈহিক স্বাস্থ্য ও মনোবৃত্তির চরমোৎকর্ষই শিক্ষার উদ্দেশ্য। সুবিদ্যানু ও সুপণ্ডিত ব্যক্তি হীনচরিত্র বা স্বাস্থ্যহীন হইলে তাহার শিক্ষা সম্পূর্ণতা লাভ করে নাই বলিতে হইবে।

বাল্যকালই সকল প্রকার শিক্ষার উপযুক্ত সময়। এই সময় মন অতি তরল থাকে, স্মরণঃ উহাকে ইচ্ছামত গঠিত করিতে পারা যায়। মানবচরিত্র কতকগুলি অভ্যাসের সমষ্টিমাত্র। অভ্যাস একবার বদ্ধমূল হইয়া গেলে তাহা পরিবর্তন করা বড়ই ক্লেশসাধ্য হইয়া উঠে। কৃষক যেমন বীজের উৎকর্ষ অপকর্ষ অনুসারে ফলের উৎকর্ষ বা অপকর্ষ বুঝিতে পারে, সেইরূপ বাল্যে অভ্যাস্ত সুশিক্ষা ও কুশিক্ষা দেখিলে মানবচরিত্র উন্নত কিম্বা কলুষিত হইবে, বুঝিতে পারা যায়।

বাল্যেই যে সুশিক্ষালাভ হয়, তাহা সময়ে কতদূর কার্য্যকরী হয়, তাহার উদাহরণের অভাব নাই। ইতিহাসে অসংখ্যের তাহা বিপ্লবের বহিঃপ্রমাণ গিয়াছে।

শৈশবে মাতা আমাদের সর্বপ্রধান

শিক্ষয়িত্রী। কারণ জন্মগ্রহণের পর হইতেই অধিকাংশ সময় আমরা তাঁহারই নিকটে থাকি।

কেহ কেহ আবার স্বাবলম্বনপ্রভাবে বাল্যে সুশিক্ষা লাভ করেন। স্বর্গীয় মহাত্মা বিজ্ঞানসাগর মহাশয় তাহার উদাহরণস্থল। তিনি বাল্যে শিক্ষালভের জন্ম নানা ক্লেশ সহ করিয়াছিলেন। অপরের বাসায় রন্ধনাগ্নি কার্য্য করিয়াও নিজের পাঠ উত্তমরূপে অভ্যাস করিতেন। বাল্যের ঐকান্তিক চেষ্টা ও অবিচলিত অধ্যবসায় তাঁহার কার্য্যকারী জীবনের প্রধান সহায় হইয়াছিল।

আবার বাল্যকালের কুশিক্ষা সমস্ত জীবনে কিরূপ আধিপত্য লাভ করে, ইতিহাসে তাহারও ভূরি ভূরি প্রমাণ পাওয়া যায়।

কেহ কেহ বলেন যে, পূর্ব জন্মের সংস্কার মানবচরিত্রের উপর অত্যধিক প্রভাব বিস্তার করে। কথাটা কতদূর সত্য, তাহা বলিতে পারি না। কিন্তু সচরাচর দেখিতে পাই, কেহ একটি বিষয় অতি শীঘ্র আয়ত্ত করিতে পারে, আবার কেহবা বিশেষ চেষ্টা করিয়াও কিছুই করিতে পারে না। প্রথম পঞ্চমবর্ষীয় বালক হইয়াও ভগবানকে লাভ করিয়াছিল। আর কত মুনি বতঃপুত্র শত শত বৎসর তপস্বী করিয়াও তাঁহার বরণলাভে সমর্থ হন নাই।

সে বাহাই হউক, বিশেষ যত্নে চরিত্র-গঠনে সহায়তা করে, এ কথা কেহই অস্বীকার করেন না। আন্তরিক চেষ্টা করিলে প্রত্যেক লোকই ভাল হইতে পারেন। সকলেই মহৎ লোক হইতে না পারেন, কিন্তু বাল্যে সংশিক্ষা লাভ করিলে যে জীবনের মহত্ব বুদ্ধি হয়, এ কথা সকলেরই অমুমোদিত।

শারীরিক শিক্ষালাভ করিতে হইলে স্বাস্থ্যের নিয়মগুলি মানিয়া চলিতে হয়। দিবানিত্রা, রাত্রিজাগরণ ও মাদক দ্রব্য সেবন সর্বতোভাবে বর্জনীয়। অঙ্গ-চালনার প্রতি সকলের বিশেষ লক্ষ্য রাখা উচিত। আমাদের দেহটী একটী যন্ত্র-বিশেষ। যে কোনও অংশ চালনার অভাবে বিকল হইতে পারে। অতএব সকলেরই ব্যায়াম অভ্যাস করা আবশ্যিক। কিন্তু অত্যধিক কিছুই ভাল নয়। ব্যায়াম না করা যেদ্রুপ দুঃখীয়, অত্যধিক ব্যায়ামও তদ্রুপ অনিষ্টকর। ইহাতে স্বাস্থ্যহানি ঘটতে পারে।

বাল্যকাল হইতে বুদ্ধিবৃত্তির চালনা করা অত্যন্ত আবশ্যিক। বুদ্ধিবৃত্তি যদি সম্যক্ পরিমার্জিত না হয়, তবে পণ্ড ও মানবে অধিক প্রভেদ থাকে না। পুস্তক-পাঠ, সং-আদর্শানুসরণ প্রভৃতি এই শিক্ষার উপায়।

নৈতিক শিক্ষা (Moral and Religious training), ও বিশেষ প্রয়োজনীয়। ইহা না হইলে কোন শিক্ষাই ফলদায়ক হয় না। চরিত্রবল অনেকটা ধর্মবলের

উপর নির্ভর করে। মানব বিদ্যান্ ও ক্ষমতাশালী হইয়া যদি চরিত্রহীন বা নৈতিকবলহীন হয়, তাহা হইলে তাহার সকল শিক্ষাই ভ্রমে পরিণত হয় এবং তাহাকে উচ্ছৃঙ্খলপ্রকৃতি ও ভয়স্বাস্থ্য হইয়া অশেষ যন্ত্রণা ভোগ করিতে হয়।

নেপোলিয়ন যুদ্ধের সময়েও বলিতেন—
“Moral is to physical as ten to one” অর্থাৎ শারীরিক শক্তি অপেক্ষা নৈতিক বল দশগুণ প্রয়োজনীয়। নৈতিক বলের প্রয়োজনীয়তা অধিক বলিয়া কেহ যেন শারীরিক স্বাস্থ্য বিষয়ে উপেক্ষা না করেন। কারণ মন ও শরীরের অতি নিকট সম্বন্ধ, একটিকে অস্ত্রী হইতে পৃথক্ করা যায় না। যদি শরীর অস্থূল থাকে, মানসিক তেজও নিপুঞ্জ হইয়া যায়।

মানসিক বলের শ্রেষ্ঠতা সর্বত্র অমুত হয়। মানব মানসিক তেজোবলে দৈবকেও প্রতিহত করিতে পারে। সাবিট্রী—সত্যবানকে, বেছলা—তাহার স্বামীকে, মানসিক তেজোবলে মৃত্যবস্থা হইতে পুনর্জীবিত করিয়াছিলেন।

মোগল সম্রাট বাবর, মানসিক তেজো-বলে স্বীয় পুত্র হুমায়ুনের ব্যাধি নিজ দেহে সংক্রামিত করিয়া পুত্রবাস্যলোর জলন্ত দৃষ্টান্ত দেখাইয়া গিয়াছেন। ইহার আরও অল্পরূপ ব্যবস্থা থাকিতে পারে। কিন্তু পূর্বোক্ত বুদ্ধিই সমীচীন। অধিক দূরে যাইবার প্রয়োজন নাই, আজকাল লোক ইচ্ছাশক্তিবলে মৃত ব্যক্তির আত্মা আনয়ন

করিয়া ইহপরলোকের সংবাদ আদান-প্রদান করিতেছে, দেখিতে পাইতেছি। অভ্যাস এবং ব্রহ্মচর্যের দ্বারা মানসিক ভেজ বন্ধিত করিতে পারা যায়।

নিম্নলিখিত উপায়গুলি ব্রহ্মচর্যের অন্তর্গত। এগুলি পালন করিলে শরীর ও মনের উন্নতির অনেক সহায়তা হইতে পারে :—

১। প্রত্যহ ব্রাহ্মসমূহের্তে, অর্থাৎ ৪ দণ্ড স্নান থাকিতে অক্ষর, ঝড়, বৃষ্টি বা নিদ্রা থাকা লব্ধে শয্যাভাগ।

২। প্রাতঃকৃত্যাদি সমাপনান্তে কিয়ৎক্ষণ নিম্নলিখিত প্রকারে চিন্তা করা—
“আমি পরমাত্মার অংশ। আমি এই দেহ নয়। এই ঘর, বাড়ী, ধন, জন প্রভৃতিও আমার নয়। আমি কতকগুলি কর্তব্য পালন করিতে আসিয়াছি। আমাকে কোনও প্রলোভনে টলাইতে পারে না।”

৩। যে সময়ের যে কাজ, সেই সময়ে তাহা করা।

৪। যখন যে কার্য্য করিবে, সেই কার্য্য একমনে করা ও অল্প দিকে মন না দেওয়া।

৫। সর্বদা একটা আয়োজনের ভাব পোষণ করা, অর্থাৎ অলস হইয়া বসিয়া না থাকা। অলস হইয়া বসিয়া থাকিলে নানাপ্রকার কুচিন্তা আসিতে পারে।

৬। প্রত্যহ অন্ততঃ কিয়ৎক্ষণ ভগবৎ-উপাসনা ও সদুগ্রহ পাঠ করা।

৭। ছাত্রবিগর্হিত কোন কার্য্য না করা।

বাল্যকালই উপরি-উক্ত উপায়গুলি অভ্যাস করিবার উপযুক্ত সময়।

শিক্ষার শেখ নাই। কেহ বলিতে পারেন না যে, তাহার শিক্ষা সম্পূর্ণ হইয়াছে। যিনি তাহা বলেন, তিনি অহঙ্কারী। প্রকৃত শিক্ষিত ব্যক্তি বিনয়ী। তাহার জ্ঞান-লিপ্সা অত্যন্ত প্রবল। অসীম ধীশক্তিশালী নিউটন (Newton) বলিয়াছিলেন—“আমি বহু চেষ্টায় জ্ঞানসমুদ্রের একটা বালুকাকণামাত্র সঞ্চয় করিয়াছি।” বাহ্যিক শিক্ষার সম্পূর্ণতা লাভ হইয়াছে, তিনি মনুষ্য নন, দেবতা। দয়াদাক্ষিণ্যাদি সদগুণাবলী একাধারে তাহাতে বিদ্যমান।

ভারতবর্ষে শতকরা প্রায় ৯৯ জন লোক অশিক্ষিত। কারণ পাশ্চাত্যদেশের স্নায় বিনা বেতনে প্রাথমিক শিক্ষালাভের বিশেষ সুবিধা এদেশে নাই।

পাশ্চাত্যদেশে শিক্ষার উৎকর্ষে শিল্প-বাণিজ্যাদির শ্রীবৃদ্ধি সাধন হইতেছে। আর ভারতবর্ষে শিক্ষার অভাবে লোকে গৃহবিবাদ, পরস্পরের প্রতি সহানুভূতির অভাব, এবং শিল্পবাণিজ্যের অবনতির নিমিত্ত অশেষ ক্লেশ পাইতেছে।

শিক্ষার অভাবে বা কুশিক্ষার বালিকা-দের কোমল অন্তঃকরণ হইতে ধর্ম্মভাব বিলুপ্ত হইতে বসিয়াছে।

যে ভারতবর্ষ এককালে শিক্ষা দীক্ষায় সর্বশ্রেষ্ঠ ছিল, যে ভারতবাসীর সত্যনিষ্ঠা ও ধর্ম্মভাব চিরপ্রসিদ্ধ, তাহাদের বংশধরেরা আজ শিক্ষার অভাবে চরিত্রহীন হইয়া ক্রমে ক্রমে অধঃপতনের দিকে অগ্রসর

হইতেছে। কাগের কি অপার মহিমা।
আশ্রমচতুষ্টয়ের ব্যবস্থা যে কি সুন্দর
ছিল, যিনি বীরচিত্তে দেখিবেন তিনিই
তাহার মহত্ত্ব স্বীকার করিবেন। পূর্বকালে
লোকে ৩০।৩৫ বৎসর অবধি গুরুগৃহে বাস
ও ব্রহ্মচর্য্য অবলম্বন করিয়া পাঠাভ্যাস
করিত। তাহার পর বিবাহাদি করিয়া

গার্হস্থ্য ধর্ম্ম পালন করিবার উপযুক্ত হইত।
সর্ব্বশেষে অপর দুই আশ্রমে প্রবেশাধি-
কার লাভ করিত। আর আজকাল
যুবকবৃন্দ পেছাচারী হইয়া দিন দিন
ধ্বংসযুগে অগ্রসর হইতেছে। দেশের
দরিদ্রতার ইহাও একটা অজ্ঞাতম
কারণ।

শ্রীকৃষ্ণধন বসু ।

নূতন সংবাদ ।

১। সমগ্র পৃথিবীমণ্ডলে প্রত্যেক বৎসর
প্রায় (৮০০০০০০০ × ২৮) বা ২২৪০০০০০০
(বাইশ কোটি চল্লিশ লক্ষ) মণ কাগজ
ব্যবহৃত হয়।

২। সম্প্রতি বংশের (বীশের) কাগজ
প্রস্তুতকরণপ্রণালী আবিষ্কৃত হইয়াছে।
শ্রীযুক্ত রিয়ার্ট নামক এক ইংরাজ দশ
বৎসরের পরীক্ষার ফলে এই প্রণালীর
আবিষ্কার করিয়াছেন। বংশগুলিকে
বৈজ্ঞানিক প্রক্রিয়া দ্বারা মণ্ডে পরিণত
করিয়া তৎপরে তাহা হইতে অতি উত্তম,
স্থায়ী ও ব্যবহারোপযোগী কাগজ প্রস্তুত
করা হয়। এই কাগজে লেখা ও ছাপা
অতি সুন্দর হয়।

৩। আমেরিকায় এক প্রকার নূতন
অস্ত্র-চিকিৎসা হইয়া গিয়াছে। কোনও
রোগীর নাসিকা পচিয়া গিয়াছিল।
চিকিৎসক মহাশয় এক ব্যক্তির পায়ের
হাড় লইয়া এক কৃত্রিম নাসিকা প্রস্তুত
করেন, এবং ঐ রোগীর বাহর লোমশূণ্ণ

স্থানে উহা বসাইয়া দেন। কয়েক মাস
অতীত হইলে, সেই কৃত্রিম নাসিকার
উপর মাংস জন্মে। অতঃপর চিকিৎসক
মহাশয় উক্ত স্থান হইতে নাসিকাটী
কাটিয়া লইয়া যথাস্থানে সংস্থাপিত করেন।
একণে সেই নাসিকাটী আর কৃত্রিম বলিয়া
বোধ হয় না।

৪। ভারতহিতৈষী ভূতপূর্ব বড়লাট
লর্ড রিপনের প্রস্তাব মূর্ত্তি ইংলণ্ডে নির্মিত
হইতেছে। ইহা এই বৎসরের মধ্যেই
গড়ের মাঠে প্রতিষ্ঠিত হইবে।

৫। পুত্রের পীড়াবশতঃ লর্ড এডওয়ার্ড
বৈকার তাহার কার্য্য হইতে অবসর গ্রহণ
করাতে একণে মাননীয় জিউক সাহেব
তাঁহার স্থানে কার্য্য করিতেছেন।

৬। স্পেন দেশে কার্ণাকোরিয়া
প্রদেশের সোনামানামক নগরের গৃহগুলি
সব কাষ্টনির্মিত। তথায় অগ্নি লাগিয়া
সহর পুড়িতে আরম্ভ করিলে, জলদ্বারা
অগ্নি নির্বাপিত করিবার চেষ্টা হয়, কিন্তু

জলাভাব হওয়ার নগরবাসিগণ মদের ডিপো হইতে মদ লইয়া সেই অগ্নি নির্দাপিত করেন। ইহাতে ২৪০০০০ টাকা ক্ষতি হইয়াছে।

৭। ইংলণ্ডের অন্তঃপাতী সামারসেট সারারের গ্রাষ্টনবেরী নগর হইতে স্তরে প্রদেশের কিংষ্টন নগর পর্যন্ত একজন একটা বিড়ালকে লইয়া যান। কিংষ্টনে পৌঁছিয়া তিনি বিড়ালটাকে আর দেখিতে পান নাই। কিছুদিন পরে তাঁহার নিকট পত্র আসে যে, বিড়ালটা গ্রাষ্টনবেরী নগরে ফিরিয়া গিয়াছে। কিংষ্টন নগর গ্রাষ্টনবেরী নগর হইতে ১৩৩ একশত তেরিশ মাইল দূর। বিড়ালের অদ্ভুত শক্তি।

৮। গত ১৯শে সেপ্টেম্বর ২৪ পরগণার বরিশা গ্রামে শ্রীযুক্ত বিবেকানন্দ বন্দ্যোপাধ্যায় দেহত্যাগ করিয়াছেন। সঙ্গীতবিজ্ঞান তাঁহার অত্যন্ত পারদর্শিতা ছিল। গোয়ালিয়র, বৃন্দাবন, লক্ষ্মী ও এলাহাবাদে তিনি সঙ্গীতবিজ্ঞা শিক্ষা করেন। বঙ্গদেশে ও যুক্তপ্রদেশে বহুসংখ্যক লোক তাঁহার সঙ্গীতের ভক্ত ছিলেন। ভগবান্ তাঁহার আত্মার কল্যাণ করুন।

৯। শুনা যাইতেছে, দিল্লীর দরবারে বাদসাহী মেলা বসিবে। সাধারণ লোকে এই মেলায় আনন্দ উপভোগ করিবেন। ঝিল্লের রাজা উক্ত মেলায় ঔষধালয় ও

হাসপাতাল স্থাপনের ব্যবস্থার বহন করিবেন।

১০। উদারচেতা বরোদারাজ গাইকাড় যথার্থই প্রজাগণের সর্বপ্রকার উন্নতি দেখিতে ইচ্ছুক এবং তজ্জন্মই তিনি প্রজা-হিতকর নানা কার্য সম্পাদন করিয়া স্বীয় রাজ্য আদর্শরাজ্যে পরিণত করিতেছেন। প্রজাগণ যদি সকলেই শিক্ষিত হয়, তাহা হইলে দেশের উন্নতি অনিবার্য, এই জন্মই তিনি স্বরাজ্যে প্রজাদিগের মধ্যে জ্ঞান ও শিক্ষা বিস্তার করিতে অত্যন্ত প্রয়াস পাইতেছেন। সম্প্রতি তিনি তাঁহার রাজ্যে আরও অধিক বিস্তৃতভাবে লোকের জ্ঞানোন্মুগবর্দ্ধনের জন্ত “Free Reading-room” বা বিনামূল্যে সাধারণ পাঠাগার স্থাপন করিবার অনুমতি দিয়াছেন। এখানে তাঁহার প্রজাগণ বিনাভায়ে পুস্তকাদি পাঠ করিয়া জ্ঞানোন্নতি করিতে পারিবে। গ্রামে গ্রামে ও নগরে নগরে এইরূপ এক একটা পাঠাগার প্রতিষ্ঠিত হইতেছে। প্রায় এক মাস হইল গাইকাড় এই পাঠাগার প্রতিষ্ঠার আদেশ দিয়াছেন, এবং ইতিমধ্যেই বরোদা রাজ্যে ২৪১ ছই শত একচল্লিশটির উপর পাঠাগার স্থাপিত হইয়াছে। বরোদাধিপতি আদর্শস্থানীয়। ভগবান্ তাঁহাকে দীর্ঘজীবী করুন।

পুস্তকাদি সমালোচনা ।

“ঘরের কথা”—ঐযুক্ত ভুবনমোহন ঘোষ প্রণীত। মূল্য ৬০ আনা মাত্র। এই পুস্তকখানি আমরা আন্তোপান্ত পাঠ করিয়া সন্তোষ লাভ করিয়াছি। ইহাতে কয়েকটা বঙ্গীয় পারিবারিক চিত্র সুন্দর-রূপে চিত্রিত হইয়াছে। স্থানে স্থানে লেখার মৌলিকত্বও আছে।

“সরোজিনীর শুচিবাই” প্রভৃতি কয়েকটা

গল্প অতি সুন্দর হইয়াছে। বঙ্গীয় হিন্দু পরিবারের মধ্যে অনেক স্থানে দেখা যায় যে, স্ত্রীলোকদিগের শুচিবাই বর্ণিত হইয়া অবশেষে বিষময় ও শোচনীয় ফল উৎপাদন করে। আমরা আশা করি, আমাদের গৃহলক্ষ্মীরা এই পুস্তকখানি একবার পাঠ করেন। গ্রন্থকার একজন প্রবীণ লেখক, ইনি বঙ্গসাহিত্য জগতে অপরিচিত নহেন।

বামারচনা ।

চাঁদের প্রতি কুমুদিনী ।

ওগো—ত্রিদিবের শশধর !

চাহি তব মুখ পানে ।

সারা নিশি মগ্ন রই

তোমারি মহিমা ধ্যানে ।

তুমি—প্রভাতে ফেলিয়া যাও—

বিষাদ আঁধারে রাখি ।

নয়ন মুদ্রিবে শুধু

তোমাতে হৃদয়ে দেখি ।

আমি—দেখিতে তোমার ওই,

ভুবনমোহন হাসি,

আপনা ভুলিয়ে সাথে ।

জেগে থাকি সারা নিশি ।

ওগো—মলিন ধরায় আমি,

স্বরণে তোমার স্থান ।

আদরে লবে কি দেব !

মোর এই ক্ষুদ্র প্রাণ ?

শ্রীমতী সরলাসুন্দরী মিত্র ।

নিবেদন ।

(১)

তোমার এ প্রেম রাসো আমি অভাজন,

নাহি জানি পূজা ধর্ম,

না জানি করিতে কর্ম,

কেবল স্বার্থের মাঝে আছি নিমগ্নন।

পাপে তাপে জর্জরিত,

সদাই আমার চিত,

গুধু "দাও" "দাও" শব্দ অন্তরে আমার,
মেটে না আকাজকা আশা,
প্রাণ ভরা গুধু তৃষা,
বাসনা জাগিয়া হৃদে উঠে অনিবার।

(২)

কিনা তুমি দিয়াছ গো এ অধম জনে ?
দেছ প্রাণ, দেছ হিয়া,
মরমে মমতা দিয়া
গঠিয়াছ আমারে তুমি সযতনে।
কিন্তু নাথ! কেন বল,
অন্তর না তুষ্ট হ'ল,
এ জরাশা কেন হরি। দিলে গো আমার ?
দাও নাই রত্ন ধন,
তাহাতে কি প্রয়োজন ?
ধনেই কি মনবের সব আলা বার ?
অতৃপ্ত বাসনা হেন,
আমারে গো দিলে কেন ?
দয়া কর দয়াময় অতাগী অধমে
দাও প্রীতি ভালবাসা,
মুছে দাও এ জরাশা
শান্তির প্রবাহ সদা ঢাল এ মরমে।

(৩)

আমারে যা দেছ নাথ। দিব তা তোমায়
ভক্তি পুষ্প উপহায,
অহ প্রেম অশ্রুধার,
আমার পরাণ মন নিবেদি ও-পায়।
যাহ মোরে দাও নাই,
দাও মোরে চাহি তাই,
দাও শান্তি তৃপ্তি প্রীতি মোরে ভগবন।
কাতর না হই ছুখে,
কাথা সহি হাসিমুখে,
দাও সেই শক্তি ক্ষেপে হৃদয়রঞ্জন।
দিবা নিশি অবিরাম,
এ ক্ষুদ্রে প্রাণারাম।
পাই যেন হেরিবারে ও-পূত চরণ।
না ভুলি আপন ধর্ম,
তোমার চরণে মতি থাক্ অহঙ্কণ।
সংসারের তাড়নায়,
যেন না ভুলি তোমায়,
দয়াময়! অতাগীর এই নিবেদন।

শ্রীমতী চাক্ষুশীলা মিত্র।

পিতা।

সারা জীবনের পথে
থাক তুমি সাথেরে, সাথেরে,
তবু কেন প্রলোভন আসি,
অধরের দৃঢ় বাঁধ
শিথিল অবশ্য করে,
কেন ফেলে এ জীবন প্রাণি ?

কত প্রতিজ্ঞার ডোরে
বেধে রাখি আপনাকে,
সংযমের জড়ত বাধন,
একটী নিমেষে হায় হায় !
কোথায় পলায়ে যায়,
জীবনের কঠিন সাধন।

যসে বসে আনমনে
ভাবিতাম সংগোপনে,
অপূত বাসনা, পাপ কাজ,
কোন দুষা চিন্তাশ্রাশি,
মান করিবেনা আসি,
আসিবেনা হৃদিমাঝে কোন রূপ লাজ ।

কুল কুসুমের মত
লয়ে সুরাসনা শত
আমি রব চরায়ে জোয়ার,
আদেশ বহিয়া শিরে
বেড়াইব বিধে ফিরে
তব কাজে, দেবতা আমার ।

একটি আপনা ধ্যানে
তৃপ্তি পাই সংগোপনে
আপনারি আরাধনা করি ।
তাই প্রভু বারে বারে
পরীক্ষায় ফেলে মোরে
আমার পে- ধান ভাল হরি ।

অতি তুচ্ছ প্রলোভনে
ভেঙ্গে চুরে কোন্ খানে
পড়ে যাই, কোন্ অন্ধকূপে,
হৃদয় আকুল পারা
আঁখি হতে তপ্ত ধারা
দাঁড়াতে পারি না কোন ক্ষণে ।

আমার সংযমশীলা
আমার আমাতে দীক্ষা
আমি-ময় জনিত আমার,
বাঁচাতে পারে না মোরে
হাতখানি রাখ ধরে
তুমি প্রাণহার বাঁচাও এবার ।

তুমি এস অস্তঃপুরে
তুমি থাক বিশ্বভরে,
লহ তুমি জীবনের ভার ।
দেবতা আমার ।

সরলা দত্ত ।

দীপ্ত আঁধার ।

বহু বর্ষ কাটায়েছি লয়ে শুধু আপনারে,
মিথ্যা জুথ মিথ্যা গুণে করেছি যাপন
হে অননি ! শুধু মিথ্যা সার্থ অন্ধকারে
ধাতার অমূল্য দান মানবজীবন ।
অশ্রাস্ত ছরাশা শুধু অবশ অস্তরে
অবিরাম নিফলতা আনিয়াছে ভরে ।
কণ্টকবিকীর্ণ পথে কত দিন ধরি'
অমাত্য, আবিল্যভরা জীবন বহিয়া
বিপণে চলেছি, শত বেদনার কর

ভারাক্রান্ত প্রাণ, শত হীনতা সহিয়া ।
হে অভয়ে, জ্যোতির্ময়ি ! কোন্ পুণ্যফলে
বিশ্বজননীর বেশে তুমি দেখা দিলে ?
তোমার প্রদীপ্ত আলো অন্ধ আঁখি মোর
অপূর্ণ আনন্দালোকে দিল ফুটাইয়া ।
অসীম করুণা তব পলকে কেমনে,
কোন্ সে অজ্ঞাত স্বর্গে নিল উঠাইয়া
মৃত্যু ভারাক্রান্ত চির-অচেতন প্রাণ,
জাগায়ে তুলিলে করি কি অমৃত দান ।

“আসি”র হৃদেস্থ পাশ ছিঁড়ি অনায়াসে
জাগিব কি নব বশে হয়ে বলীয়ান ?
তোমার মহিমাগীতি ধ্বনিয়া আকাশে

গাহিয়া উঠিছে যেন সকল পরাণ।
ইছলোক, পরলোক, জীবন মরণ,
ব্যাপিয়া দেখিতে পাই অভয় চরণ।

কুটীরে।

জননী আমার শক্তিরূপিণী !
এস মা ! কুটীরে আজি,
ভক্তি পূর্বে উঠিবে ফুটিয়া
স্বরভি কুসুমরাজি।

পুষ্পিত মম হৃদি কুটীরে,
বাজিবে মোহন বাণী।
প্ৰীতি সাধনার অশ্রু শিশিরে
সেফালি ঝরিবে হাসি।

নিভন্ত মম দীপটী প্রাণের
অলিয়া উঠিবে পুনঃ,

অঞ্জলি হ’য়ে ঝরিবে চরণে,
মরমের প্রেম চন্দন।

পূজা অবশেষে যেন মা ! তোমার
মেহের আশীষধরি,
জীবনের ব্রত সাধিবারে পাই
তোমারি করুণা স্বরি।

তোমার মোহন অঞ্চলে মাগো !
প্রেম পূর্বে কিরণে
আবরি রেখ মা ! সম্মানে তব,
নিত্য কল্যাণ সাধনে।

শ্রীমতীপ্রিয়বালা রায়।

বামাবোধিনী পত্রিকা।

No. 58x.

January, 1912.

“कन्यायैवं पालनीया मिश्रणीयानियततः।”

কন্যাকে পালন করিবেক ও যত্নের সহিত শিক্ষা দিবেক।

স্বর্গীয় মহাশয় উমেশচন্দ্র দত্ত বি. এ, কর্তৃক প্রবর্তিত

৪৯ বর্ষ।
৫৮১ সংখ্যা।

পৌষ, ১৩১৮।

{ ৯ম কল্প।
৪র্থ ভাগ।

সাময়িক প্রসঙ্গ।

দান—আযোধ্যার খাজুরগাঁওএর রাজা রাণা সার শিওরাজ সিং, কে, সি, এস, আই, হিন্দু বিশ্ববিদ্যালয় স্থাপনের জন্ত এক লক্ষ পঁচিশ সহস্র টাকা দান করিয়াছেন। তাঁহার এই দান অতীব প্রশংসনীয়।

মৃত্যু—মহীশূর (Mysore) রাজ্যের দেওয়ান সার কৃষ্ণমূর্ত্তি পরলোক গমন করিয়াছেন। তিনি আমরা যারপরনাই ভাংখিত হইয়াছি। শাসনকার্যে ইনি বিশেষ প্রাতিভার পরিচয় দিয়াছিলেন। ভগবান্ তাঁহার আত্মার কল্যাণ বিধান করুন।

মাদক বিষয়ক প্রশ্ন—শুনা যায়, বিলাতে পার্লামেন্ট সভার গত অধিবেশন-

কালে অত্যন্ত মননীয় মদ্য সার জন রবার্টস্ না কি ভারতে মাদক দ্রব্যের অতিশয় প্রচলন ও তৎপ্রতিকারমূলক কতিপয় প্রশ্ন করেন। ইহার উত্তরে সহকারী ভারত সচিব মর্টেস্ বাহাদুর না কি বলিয়াছেন যে, ভারতের প্রাদেশিক গবর্ণমেণ্টসমূহ ইহার সংস্কারে উদ্যোগী হইয়াছেন। ছোট লাট ও গবর্ণর এ সম্বন্ধে যিনি যাঁহা ভাল বুঝিবেন, সেইরূপ করিবেন। এ বিষয়ে ভারত সচিব কোনও প্রকার হস্তক্ষেপ করিবেন না। জন সাধারণের হিতকরে যাহাতে মাদক দ্রব্য সমূহ অনায়াসলভ্য না হয়, ইহাই বাঞ্ছনীয়।

স্ত্রীলোকের কাজ।

কোন হিন্দু মহিলা যদি বালাকালে বালাবার সঙ্গে সঙ্গে ইংরাজী শিখেন, তাহা হইলে ত 'সোনার সোতাগা' হইবে। উহার তাহার শিক্ষাশক্তি ও উপার্জন অপেক্ষাকৃত অধিক হইবারই সম্ভাবনা।

আজ কাল আমাদের দেশের সহস্র, অক্ষয়, সর্বত্রই স্ত্রী-শিক্ষায়ত্নের আশ্রয় দেখা যায়। কলিকাতার কলেজে পড়া লব্ধ যুবকেরা নিজ নিজ স্ত্রী, কস্তা ও ভগিনী-দিগকে শিক্ষিতা দেখিতে যেমন বাগ্ৰ, পল্লী-গ্রামের ভবিষ্যৎ বাবুরাও তাহাদের কস্তা, বয়স্ক ভৃত্যিক লেখা পড়া শিখাইতে তেমন উৎসুক। দেহে জ্ঞান, হিন্দু মহিলা শিক্ষায়ত্নী হওয়ার উপায়ক বিজ্ঞাবর্তী ও পরিশ্রমে অভ্যস্ত হইলে তাহাদের কার্যের সম্ভাব থাকিবে না। অবশ্য পল্লীগ্রাম অপেক্ষা নগরে কাজের বেশী সচ্ছলতা, আর উপার্জনও অধিক।

কলিকাতায় কোন গৃহস্থের কস্তা ও বধূকে এক সঙ্গে সপ্তাহে দুই ঘণ্টা পড়াইলে, মাহিনা মাসে ২০ ছই টাকা, ছয় ঘণ্টা ৪০ চারি টাকা, বার ঘণ্টা ৮০ আট টাকা। তিন চারি জন একত্র পড়িলে দুই ঘণ্টা ৩০ তিন টাকা, চারি ঘণ্টা ৫০ পাঁচ টাকা এবং আট ঘণ্টা ১০০ দশ টাকা। অবশ্য, লেখাপড়ার সঙ্গে সেলাই, বোনা ইত্যাদি শিখাইলে মাহিনা কিছু বেশী হয়। একজন শিক্ষায়ত্নী রোজ স্বল্পে তিনটি পরিবারে ছয় ঘণ্টা শিক্ষা দিতে

পারেন। আর তাহার যদি বার আষ্টেক ছাত্রী থাকে ও সপ্তাহে গড়ে ত্রিশ ঘণ্টা পাঠিতে হয়, তাহা হইলে তিনি মাসে ৪০০ চল্লিশ টাকা উপার্জন করিতে পারেন। উহা হইতে পাকী-খরচ ১০০ দশ টাকা বাদ দিলেও তাঁর আসল আয় ৩০০ টাকা রহিল। বর্তমান হিন্দু মহিলাদিগের পক্ষে মাসে ২০০/২৫০ টাকা উপার্জনই যথেষ্ট বোধ হইবে। কিন্তু শিক্ষাকার্যে নিযুক্ত হইবার পূর্বে ছাত্রীদের বয়স ও বিত্তা বুঝিয়া নিজ জ্ঞান ও বিজ্ঞার পরীক্ষা করিয়া দেখা উচিত।

যদি তুমি উহাতে সক্ষম না হও, তাহা হইলে ঐ গুরু কার্যের দায়িত্ব লইও না। কিছু দিনের পর উহাতে অক্ষম বলিয়া লজ্জিত ও কার্যচ্যুত হওয়ার পরিবর্তে প্রথম হইতেই নিজ সাধ্যাতীত কাজে না যাওয়া বুদ্ধিমতীর কাজ। বিশেষ, ছাত্রের পরিবারে প্রথমে মনের মত শিক্ষা দিতে পারিলে তাহাদের অনুরোধে তাহাদের বন্ধুবান্ধবদিগের মধ্যে কাজ পাইবারও অনেক সম্ভাবনা আছে।

স্ত্রীলোকেরা উত্তমরূপে শিক্ষিতা হইলে অন্তঃপুর-শিক্ষায়ত্নের কাজ বাতীত বালিকা-বিদ্যালয়ের শিক্ষাকার্যেও তাহারা নিযুক্ত হইতে পারেন। অবশ্য উহার জ্ঞান প্রথমে পাঁচ ছয় বৎসর ধরিয়া ধারাবাহিক শিক্ষা ও পরিশ্রম করিতে হয়। কিন্তু ইহা সকলের মনে রাখা উচিত যে বিনা জ্ঞান-

লাভ ও পরিশ্রমে এ জগতে কোন ভাল কাজই সাধন করিবার শক্তি হয় না। সুতরাং কেবল অতি বিদ্যাবতী, জ্ঞানবতী ও প্রশস্ত নারীরাই উচ্চ শিক্ষারীতির পথে নিযুক্ত হইবার উপযুক্ত। আমাদের আরও মনে রাখা উচিত যে, ইচ্ছা ও সুবিধা থাকিলে পাতোক স্ত্রীলোকই বিজ্ঞাবতী ও জ্ঞানবতী হইতে পারেন। আমরা বাল্যকাল হইতে নিজেদের যেভাবে প্রভুত করি, বয়সকালে সেইরূপই হই। শৈশবে ও বাল্যে যদি আমরা একাধিক কঠোর পরিশ্রম, অধ্যয়ন ও জ্ঞানোপার্জনে অভ্যস্ত হই, তাহা হইলে পরিণত বয়সে আমরা নিশ্চয়ই জ্ঞানবতী, সুশিক্ষিতা নারী হইব। কিন্তু তাহার পরিবর্তে আমাদের বাল্য-জীবন যদি কেবল প্রতুলখেলা ও নানারূপ কুসংস্কারের মধ্যে অতিবাহিত হয়, তাহা হইলে যৌবনে আমরা এক এক জন অলস, নিদ্রাপ্রিয় ও অজ্ঞ স্ত্রীলোক হইয়া উঠিব।

স্কুলের শিক্ষারীতি হওয়া বড় সহজ কাজ নয়। উহার জন্য জ্ঞান ও বিজ্ঞার সঙ্গে সঙ্গে শারীরিক বলেরও একান্ত আবশ্যক। অনেক সময় উহাতে এত খাটিতে হয় ও ব্যয় করা হয় এত ব্যয়বহুল যে, এইরূপে মাথার ঘাম পায়ে ফেলিয়া জীবিকা উপার্জন অতি কষ্টকর হইয়া উঠে। তাহা

ছাড়া, উহাতে কর্ম করিবার ক্ষমতা ও বৈধর্ম্যের আবশ্যক। কিন্তু একদিক দিয়া দেখিলে শিক্ষারীতির কাল যেমন অতিশয় বিরক্তিকর, অস্বাভাবিক-দুঃস্বাদ, এবং মনের ক্ষুধা ও শরীরের বলনাশক বলিয়া বোধ হয়, অন্য দিক দিয়া দেখিলে উহা তেমনি একটি মহৎ কাণ্ড বলিয়া প্রতীয়মান হয়। উল্লেখ্য আমরা কি কাটাঘন, কি মক্কুমি, কি ককরময় প্রদর্শন, মর্কটাই বীজ বপন করি।

তবে এই বীজ হইতে কখন কি প্রকার ফল ফলিবে তাহা কেহই বলিতে পারে না। বিশেষতঃ, অজ্ঞকে জ্ঞান ধর্মের প্রভাব বুঝাইবার প্রয়োগ শিক্ষারীতির জার আর কাহারও ভাগ্যে ঘটে না। শিক্ষারীতি যদি ঘর ও পরিবারের সহিত নিজের ব্যক্তিগত উত্তমরূপে সাধন করিতে পারেন, তাহা হইলে তাহার শিক্ষা দ্বারা কত সুপ্রভূতি উৎপাদিত ও চরিত্র উন্নত হইয়া জগতের মঙ্গল সাধন করিবে তাহার ইয়ত্তা নাই। উহার উপর তিনি নিজ জ্ঞানবলে ঐ জীবিকার উপায়কে যখন উচ্চ কর্মের কাজ করিয়া তুলিতে পারিবেন, তখন ঐ সাধন তাহার স্বর্গের দোপান স্বরূপ হইয়া ক্রমে তাহাকে ঈশ্বরের নিকটবর্তী করিবে।

(ক্রমশঃ)

ব্রাহ্মসমাজের নিকট আমাদের ঋণ।

(পূর্ব প্রকাশিতের পর)

আমাদের আরও কয়েকটা উন্নতির জন্য ব্রাহ্মসমাজের কাছে আমরা বিশেষ-রূপে ঋণী। এখানে সংক্ষেপে সেই ঋণের উল্লেখ করিব।

জ্ঞানীশিক্ষা—ইহার স্বপক্ষে হিন্দুশাস্ত্রে যাহাই থাকুক, কার্যতঃ জ্ঞানীজাতির প্রতি জনসাধারণের অধিক আদর ছিল না এবং এখনও নাই। জ্ঞানীলোকদের যে লেখা পড়া শিক্ষা আবশ্যিক, এ কথা সকল শিক্ষাভ্রমণী ব্যক্তিও স্বীকার করেন বলিয়া মনে হয় না। সমাজের নক্ষত্রাঙ্গীর্ণ উন্নতির পক্ষে কি জ্ঞানীলোক, কি পুরুষ, সকলেরই যতদূর সম্ভব দৈহিক, মানসিক, নৈতিক ও আধ্যাত্মিক উন্নতির নিত্য আবশ্যিক, ইহা যে ইংরাজী শিক্ষার আরম্ভের সঙ্গে সঙ্গে আমরা কিয়ৎ পরিমাণে বুঝিতে পারি নাই তাহা নহে, কিন্তু তাহা কার্যে পরিণত করিতে ব্রাহ্মসমাজই প্রথম অগ্রসর হন। সমাজ ক্রমে ব্রাহ্মসমাজের পথ অনুসরণ করিয়াছেন বটে, কিন্তু এখনও তাহা অনেকটা দূরে রহিয়াছে। বিশিষ্ট জ্ঞানীশিক্ষার বহুল প্রচারের এখনও অনেক বিলম্ব। বাহ্য কিছু হইতেছে, তাহা কিয়ৎ পরিমাণে ব্রাহ্মদের দেখাদেখি। দেশে যে কয়টা জ্ঞানার্থের সহিত সম্পর্কহীন উচ্চতর বালিকা-বিদ্যালয় আছে, তাহা ব্রাহ্ম-সমাজের সঙ্গেই সংশ্লিষ্ট।

অবরোধ-পথা—ইহা দেশের পল্লী-

গ্রামে কখনও পূর্ণ যাত্রার ছিল না। সহর অঞ্চলেই উহার প্রচলন সচরাচর অধিক। আজ কাল উহার যে কিঞ্চিৎ শৈথিল্য দেখা যায়, তাহার পথপদার্থক ব্রাহ্মসমাজ। ২৫৩০ বৎসর পূর্বে কলিকাতায় অনেক মর্গাদাপন্ন গৃহস্থের বাতীর মহিলাদের মধ্যে বোড়ার গাড়ী চড়ার পদ্ধতি পর্যন্ত ভাল প্রচলিত ছিল না। এখন সেই সকল বাতীর জ্ঞানীলোকেরা গাড়ী চড়িয়া যাত্রঘর, গুপ্তশালা প্রভৃতি দেখিয়া বেড়াইতেছেন, এবং সার্কস ও নাট্যমন্দিরেও যাইতেছেন। পুরীতে এখন তাহাদিগকে দলে দলে সমুদ্রতীরে বিচরণ করিতে দেখা যায়। মধুপুর, বৈষ্ণবনাথ প্রভৃতি স্থানে রাস্তা খাট, পাহাড় ও পর্বতে এখন পুরুষাপেক্ষা মহিলাদিগেরই বেশী সমাগম, এমন কি ইংরাজবহুল দার্জিলিংএর পাহাড়ও তাহার নিত্যস্থ বিরল নহেন। অজে অজে সমাজে জ্ঞানীস্বাধীনতা স্বরূপে যে কিরূপ পরিবর্তন ঘটতেছে, তাহার প্রতি অনেকের লক্ষ্য নাই। এই সব সামাজিক বিষয়ের প্রতি বাহারা একটু মনোযোগ দেন, তাহার ৫০ বৎসর পরে অবরোধ-প্রথার কি অবস্থা দাঁড়াইবে, কিয়ৎ পরিমাণে অনুভব করিতে পারেন। নীরবে এই যে পরিবর্তন চলিতেছে ইহার মূলে ব্রাহ্মসমাজ।

বাল্যবিবাহ—সমাজের উচ্চতম স্তরে
অতি অল্প বয়সে কন্যার বিবাহ প্রথা আরো
অল্পে কমিয়া বাইতেছে বলিয়া মনে হয়।
৪০ বৎসর পূর্বে কোন ভদ্রঘরে দশ
বৎসরের বালিকা অবিবাহিত থাকিলে
নানা দিক হইতে নিন্দাবাদ ঘনিষ্ঠ হইত।
এখন যেখানে সহরের ঢেউ পৌঁছিতে
অনেক সময় লাগে, এমন সুদূর গ্রামা-
গ্রামেও ১২।১৩ বৎসরের অবিবাহিত কন্যা
নিতান্ত বিরল নহে। কলিকাতা ও
তাহার নিকটবর্তী স্থানে যে সব বংশ
কুলমগ্নাদির গৌরব করেন, তাঁহাদের
মধ্যেও ১৩.১৪, এমন কি কখন কখন ১৫
বৎসরের অবিবাহিতা বালিকা পর্যন্ত
দেখিতে পাওয়া যায়। এক্ষণে হইবার
নানা কারণ। তাহার অল্পসংখ্যে প্রবৃত্ত
হইবার প্রয়োজন এখানে নাই।
তবে এইমাত্র বলা যাইতে পারে যে
কন্যা একটু বেশী বয়সে বিবাহিতা হইলে
যে কিছুই ক্ষতি হয় না, এবং ইহা
যে উচ্চতম পুরুষদের নিরঙ্গননের
অন্ততম কারণ নহে, তাহা অনেক
উচ্চ শ্রেণীর হিন্দু এখন বুঝিয়াছেন।
আশা করা যাইতে পারে যে, তাঁহাদের
দৃষ্টান্ত ক্রমে সমাজের নিম্ন স্তরে অনুসৃত
হইবে। বালিকার বিবাহের বয়সবৃদ্ধির
সঙ্গে বালকের বিবাহের বয়স বৃদ্ধির
ঘনিষ্ঠ সম্বন্ধ। ১৩।১৪ বৎসরের বালিকার
সহিত ১৭।১৮ বৎসরের বালকের বিবাহ
যে অসঙ্গত, ইহা সকলেই বুঝিতে
পারেন। ফল এই দাঁড়াইয়াছে যে অনেক

যুবক ২০।২১ বৎসর উত্তীর্ণ না হইলে
আর বিবাহ স্বপ্ন অল্পব করিতে পারেন
না। এই যে আন্তে আন্তে পুত্র কন্যার
বিবাহের বয়সবৃদ্ধি, ইহার জন্ত আমরা কি
কিয়ৎ পরিমাণে ব্রাহ্মসমাজের কাছে
শ্রী নই? ব্রাহ্মসমাজ ইহার পথ দেখান
এবং নানা কারণে হিন্দুসমাজ সেই পথ
অবলম্বন করিতে বাধ্য হইয়াছেন।

বিধবা বিবাহ—ইহা যে হিন্দুসমাজে
প্রচলিত হইয়াছে তাহা বলা যায় না।
তবে সমাজের কতক লোক ইহার প্রতি
কিছু অল্পকূল নয়নে দৃষ্টিপাত করিতে
আরম্ভ করিয়াছেন বা করিতেছেন, এ
কথা বলিলে বোধ হয় অত্যুক্তি হইবে না।
বিধবা-বিবাহ সংক্ষেপে বিভাসাগর মহাশয়ের
মহতী চেতী যে কখনও ফগবতী হইবে না,
ইহা জোর করিয়া আর বলা যায় না।
বিধবা বিবাহ যে কোনরূপে অজ্ঞান ও
নীতিবিহীন নহে ইহা বুঝাইবার চেতী
ব্রাহ্মসমাজ হইতে বিশেষরূপে হইয়াছে।
বাহিরে স্বীকার করণ আর নাই করণ,
যে সকল হিন্দু এখন ইহার প্রতিকূল নন,
তাঁহারা যে ব্রাহ্মসমাজের শিক্ষা ও কার্য-
দ্বারা কিয়ৎ পরিমাণে প্ররোচিত হন নাই,
এ কথা কোন নিরপেক্ষ লোক বলিতে
পারেন না।

বহুবিবাহ হ্রাস—ইহার সম্বন্ধে অধিক
কিছু বলিবার আবশ্যক নাই। অল্প দিনের
মধ্যেই হিন্দুসমাজে ইহার অনেক হ্রাস
হইয়াছে। একেবারে ইহা আজও উঠিয়া
যায় নাই সত্য, কিন্তু শিক্ষিত সম্প্রদায়ের



ভিতর ইহা যুগের চক্ষে লক্ষিত হইতেছে। বিবাহের প্রতি, স্বামী স্ত্রীর সম্বন্ধের প্রতি এখন আমরা নুতন ভাবে দেখিতে আরম্ভ করিয়াছি। ব্রাহ্মসমাজ এ বিষয়েও কতকটা আমাদের পথ প্রদর্শক। বোধ হয় সকলেই জানেন যে, দলবিবাহ ব্রাহ্ম সমাজের বিবাহের আইনবিরুদ্ধ।

সার্বজনিক ভাব আমাদের মধ্যে অতি অল্পে অল্পে একটা সার্বজনিক ভাব আসিয়া পড়িতেছে, এইরূপ অনেক অনুমান করেন। হিন্দু হউন বা মুসলমান কি খ্রীষ্টান হউন, ব্রাহ্মণ হউন বা নমঃ-উক্ত হউন, আমরা সকলে বাঙ্গালী এবং সেই জন্য এক মাতার সন্তান, সকলেই ভ্রাতৃত্ব-স্বরে আবদ্ধ, এইরূপ ভাব দেশের কতকগুলি লোকের মনে উদয় হইতেছে বলিয়া মনে হয়। ইহাদের সংখ্যা অতি অল্প সন্দেহ নাই, কিন্তু আশা করা যায় যে, দেশব্যবসায়ের বৃদ্ধির সঙ্গে সঙ্গে ইহাদের দল ক্রমে বৃদ্ধি পাইবে। যদি তাহা না হয়, তাহা হইলে এই হতভাগ্য দেশের যে কখনও কোন উন্নতি হইবে এরূপ মনে করা বিড়ম্বনা মাত্র। হিন্দুসমাজ জাতি-ভেদ প্রথাক্রমে বিভিন্ন উপর স্থাপিত। ইহাতে “বার রজপুত ভের ইঁড়ী” কথা দাঁড়াইয়াছে আমাদের মধ্যে পৃথক্ ভাব বড়ই গবল। একজন নিম্ন শ্রেণীর লোক একজন উচ্চ শ্রেণীর লোকের সমকক্ষ হইবার চেষ্টা করিবে, ইহা অনেক উচ্চ শ্রেণীর লোক কল্পনাতেও আনিতে অক্ষম। বৌদ্ধ-যুগে এই পৃথক্ ভাবের,

এই অজুদার ভাবের অপনয়নের চেষ্টা হয়। চৈতন্য দেব যখন তাহার প্রেমময় বৈষ্ণব ধর্ম প্রচার করেন, তখনও এইরূপ চেষ্টা হইয়াছিল বলিয়া বোধ হয়। ফল কতদূর হইয়াছে সকলেই জানেন। বর্তমান যুগে ব্রাহ্মসমাজ হইতে এই চেষ্টা আবার হইতেছে। দেশের কতকগুলি লোকের মনে এই সার্বজনিক ভাবের উদয় হইয়াছে। এক মাতৃভূমির সন্তানদের মধ্যে ভ্রাতৃত্বের জ্ঞান একান্ত আবশ্যক, নতুবা তাহাদের, উন্নতি অসম্ভব। এই ভাবের জন্ত ইংরাজী শিক্ষার নিকট আমরা যে বিশেষরূপে ঋণী, তাহাতে সন্দেহ নাই; কিন্তু ব্রাহ্মেরা যে ইহার বিস্তৃতির জন্ত বিস্তর চেষ্টা করিয়াছেন ও করিতেছেন, তাহাতেও অগুমাত্র সন্দেহ নাই। আজ কাল সমাজের নিম্ন শ্রেণীর লোকদিগকে উত্তোলন করিবার কিছু কিছু চেষ্টা হইতেছে; বাহাতে তাহারা সমাজ হইতে চলিয়া না যায়, এরূপ ইচ্ছা অনেকের মনে উদয় হইতেছে। এই ইচ্ছা এবং এই চেষ্টার মূলে যে ব্রাহ্মসমাজ রহিয়াছে, এ কথা কেহই অস্বীকার করিবেন না। দেশের মধ্যে ভ্রাতৃত্বাবিস্তারের পক্ষে বিশেষ সহায়তা ব্রাহ্মসমাজ হইতে পাওয়া গিয়াছে ও বাইতেছে।

বাঙ্গালা সাহিত্য—ইহা কি ব্রাহ্মসমাজের নিকট কোন বিষয়ে ঋণী নহে? অনেকে বলিবেন একথা আবার জিজ্ঞাসা করা কেন? রাজা রামমোহন রায় প্রথমে বাঙ্গালা ব্যাকরণ লিখিতে চেষ্টা করেন।



তাহার সর্বতোমুখী প্রতিভার বলে তিনি বুঝিয়াছিলেন যে, উচ্চ সাহিত্য দেশোন্নতির প্রধান সহায়। তিনিই বাঙ্গালা গদ্য বিধানপত্রটির প্রবর্তক। তাহার গণ্ডে ও আজকালকার গণ্ডে দ্বিতর প্রভেদ আছে বটে, কিন্তু রাজা যখন গদ্য লিখিতে আরম্ভ করেন, তখন বাঙ্গালা ভাষার অবস্থা কিরূপ ছিল ইহা যদি একবার ভাবিয়া দেখা যায়, তাহা হইলে বুঝা যাইবে তাহার পথে কিরূপ বাধা বিঘ্ন ছিল। তাহার বিজ্ঞা বুদ্ধি ছিল বলিয়াই তিনি সে সকল বাধা ও বিঘ্ন অতিক্রম করিবার চেষ্টা করিতে সক্ষম হইয়াছিলেন। ব্রাহ্মসমাজ স্থাপনের কিছুদিন পরে তত্ত্ববোধিনী পত্রিকার জন্ম হয়। তত্ত্ববোধিনী পত্রিকা ব্রাহ্মসমাজের এক অক্ষয়কীর্তি। বঙ্গের সাহিত্য জগতে উহা এক নবযুগ আনয়ন করে। উহার সঙ্গে মহর্ষি দেবেন্দ্র নাথ ঠাকুর, বিজ্ঞানাগর মহাশয় ও মহাত্মা অক্ষয় কুমার দত্ত কিরূপ সংশ্লিষ্ট ছিলেন, তাহা বর্ণনা করা এখানে অনাবশ্যক। যিনি বঙ্গ সাহিত্যের ইতিহাস আলোচনা করিয়াছেন, তিনি উহা সম্যক্রূপে অবগত আছেন। তার পর কতকগুলি অতি উচ্চ ভাবপূর্ণ স্থূললিত বা গভীর ধর্মসম্বন্ধিত যে বক্তব্য বা ব্রাহ্মসমাজের নিকট হইতে পাইয়াছেন, তাহা সকলেই জানেন। উচ্চ অঙ্গের ব্রহ্মসম্বন্ধিত দেশ প্রাবর্তনবলিও অত্যাশ্রিত হইবে না। আর এক কথা—বাঙ্গালা ভাষায় যে সুন্দররূপে ধর্মোপদেশ দেওয়া এবং ওজস্বিনী বক্তৃতা করা যায় ইহাও

আমরা প্রথমে ব্রাহ্মসমাজের নিকট শিক্ষা করি। খ্রীষ্টীয় ধর্মপ্রচারকেরা উহা প্রবর্তিত করেন, সন্দেহ নাই। বিদেশীয় বলিয়া তাহার উহার বিশেষ উন্নতি সাধন করিতে পারেন নাই। তাহাদের হস্তে বাঙ্গালার ধর্মোপদেশ ও বক্তৃতা জীবনশূন্য ছিল। ব্রাহ্মসমাজ উহাকে জীবনী শক্তি প্রদান করেন। হিন্দুসমাজ এখন বাঙ্গালা ভাষায় ধর্মোপদেশ ও বক্তৃতা দেওয়া পুণ্যমায় গ্রহণ করিয়াছেন, কিন্তু এ সম্বন্ধে দৃষ্টান্ত ও শিক্ষা ব্রাহ্মসমাজের নিকট হইতে প্রাপ্ত।

(৬)

আর বেশী কিছু বলিতে চাহি না। আমার যে আর অধিক কিছু বলিবার আছে তাহাও মনে হয় না। অতএব প্রবন্ধের উপসংহার করা যাউক। ব্রাহ্মসমাজ আমাদের কি করিয়াছেন তাহার কথঞ্চিৎ আভাস দেওয়া গেল। ব্রাহ্মসমাজ অবশ্য ইংরাজী শিক্ষার ফল, এ কথা সকলেই জানেন এবং উপরেও ইহা বলা হইয়াছে। কাজে কাজেই সে সকল উন্নতি ও পরিবর্তনের কথা পূর্বে উক্ত হইয়াছে, তাহা নিদানপরম্পরা সর্বদে ইংরাজী শিক্ষার ফল বলা যাইতে পারে। অনেক ইংরাজী শিক্ষার নানা প্রকার দোষ দেন বটে, কিন্তু উহা হইতে আমাদের যে বহুল উপকার সংসাদিত হইয়াছে, তাহা কোন শিক্ষিত ব্যক্তির অবিদিত নাই, এবং কোন সত্যনিষ্ঠ ব্যক্তি তাহা অস্বীকার করিবেন না। এক কথায় বলিতে

গেলে ইংরাজী শিক্ষা আমাদেরকে সাহায্য করিয়াছে। এখানে জিজ্ঞাস্য হইতে পারে—যদি আমাদের সমাজের বর্তমান উন্নতি ও পরিবর্তনের মূল কারণ ইংরাজী শিক্ষাই হয়, তাহা হইলে ব্রাহ্মসমাজের আর কি করিবার ছিল? উত্তরে এই-মাত্র বলা যাইতে পারে—ব্রাহ্মসমাজের প্রধান কাজ—সব পরিবর্তন ও উন্নতিকে দেশী ছাঁচে ঢালিবার চেষ্টা করা। কোন কোন পরিবর্তন দেশী ছাঁচে ঢালা না হইলে দেশগ্রাহ্য হইবার সম্ভাবনা নাই। ইংরাজী শিক্ষার প্রথম অবস্থায় ব্রাহ্মসমাজের প্রভাব অতি অল্পই ছিল। ঐ সময়ে শিক্ষিত সমাজ কোন দিকে পরিচালিত হইতেছিলেন তাহার আভাস উপরে দেওয়া হইয়াছে। ব্রাহ্মসমাজের অভ্যুদয় না হইলে প্রাক্তন সমাজ কোন দিকে ভাসিয়া যাইত, তাহা অবশ্য ঠিক করিয়া বলা যায় না। কিন্তু ব্রাহ্মসমাজ এ সবকিছু কি করিয়াছেন, তাহা কিরূপ পরিমাণে বর্ণনা করিবার চেষ্টা করা গিয়াছে। প্রথম অবস্থায় অনেকগুলি উন্নতি ও পরিবর্তন বিদেশীয় গকে দ্রুতি ছিল। ব্রাহ্মসমাজের বহুল চেষ্টার ফলেই সেই গন্ধের দূরীকরণ সংগঠিত হয়, এবং এখন যে সেগুলি অনেকটা দেশীয় ভাব দারণ করিয়াছে, তাহার মূল ব্রাহ্মসমাজ। উন্নতি দেশীয় ছাঁচে ঢালা না হইলে বিফল হইবে, এবং জনসাধারণ উহা গ্রহণ করিতে বিমুখ

হইবেন। দেশের লোকের মন আকর্ষণ করিতে না পারিলে সকল উন্নতির চেষ্টা পণ্ড্রম হইবে। ইংরাজী শিক্ষার প্রথম অবস্থায় লোকে ইহা বুঝিতে পারেন নাই বা বুঝিবার চেষ্টা করেন নাই। ইংরাজী শিক্ষিত দল ধোদ হয় সাধারণ সমাজের কথা ভাবিতেনই না, কিম্বা মনে করিতেন ক্রমে তাঁহারা উহা হইতে পৃথক্ হইয়া না বিলাতী না দেশী এক অভিনব দল হইবেন। তাঁহাদের মন হইতে এই কাকোৎপাদক ভ্রম দূর করিবার মূল ব্রাহ্মসমাজ। ব্রাহ্মসমাজ ইংরাজী শিক্ষার ফলগুলিকে যতদূর সম্ভব দেশীয় পরি-
চ্ছদে সজ্জিত করেন। সব সময় উহা যে জ্ঞানতঃ করা হইয়াছিল একরূপ মনে হয় না। সব সময় যে ঠিক প্রথা অবলম্বিত হইয়াছিল, ইহাও মনে হয় না। তবে অনেক পরিমাণে যে সে চেষ্টা করা হইয়াছিল তাহাতে সন্দেহ নাই। ব্রাহ্মসমাজের যে কোন ভুল হয় নাই, বা কোনরূপ দোষ নাই, এ কথা বলি না। সে আলোচনা এ প্রবন্ধের উদ্দেশ্য নহে। ব্রাহ্মসমাজ হইতে আমরা কি উপকার পাইয়াছি তাহাই এ প্রবন্ধের আলোচ্য বিষয়। সকল চিন্তাশীল লোকেই স্বীকার করিবেন যে, অতীতে ব্রাহ্মসমাজ দ্বারা দেশের প্রভূত উপকার সাধিত হইয়াছে, বর্তমানেও হইতেছে। ভবিষ্যতের কথা বলিতে পারি না।

দে ।

প্রায়শ্চিত্ত ।

প্রথম পরিচ্ছেদ ।

হরিশপুরে অদ্য মহাধুম । জমিদার নবকিশোর বাবুর পৌত্রী নীরজার বিবাহ । উৎসবের আলোকে গ্রামের বৃক্ষগুলি আলোকময় হইয়া উঠিয়াছে । জনবহুল বাহা ও জনকোলাহল কাহারও ভাষা বুঝা যাইতেছে না, কেবল একটা কর্ণ-বধিরকারী তুমুল শব্দ, আলোক, এবং জনসমূহের চঞ্চলা একটা মহা সমারোহের ব্যাপার জ্ঞাপন করিতেছে ।

মথাসময়ে বাহা ও কোলাহল বিপুল হইল । চতুর্দলে চড়িয়া একটি অজাতশত্রু বরবেশী বালক আসিয়া সভায় বসিল । নবকিশোর বাবু নবজামাতার চাঁদমুখানি দেখিয়া আনন্দে প্রায় কান্দিয়া ফেলিলেন । কিন্তু তাঁহার পুত্র বিমলাচরণের একেবারে বিপরীত ভাব দৃষ্ট হইল । তিনি একটি নিভৃত কক্ষে একজন প্রিয়তম বন্ধুর সহিত কথোপকথন করিতেছিলেন । বন্ধু বলিলেন “কিহে বিমলা, এই বুঝি এডু-কেশন ? একটা অপগণ্ড বালকের সঙ্গে সপ্তমবর্ষীয়া কস্তার এইরূপে বিবাহ দিয়া বুঝি সমাজসংস্কার করিতেছ ? ভারতের সর্জনশকারী বাল্যবিবাহ রোধ ও জী-শিক্ষার প্রবর্তনের জন্ত যে জীবন উৎসর্গ করিবে বলিয়াছিলো, সে সব দীর্ঘ ছন্দে বক্তৃতা, দীর্ঘখাস, সমাজের দুঃখে অশ্রু-বিসর্জন সব বুঝি (Mess এর teapot)

মেসের চানীনির ঘোঁয়ার মেখে জন্মিয়া-ছিল ?” বিমলাচরণ চশমাটা নিজায়ণে খুলিয়া, মুছিয়া, গোঁপ দাড়ীটা চুমকাইয়া আবার তাহা পরিয়া বলিলেন “কি করি বল ভাই ? তাঁহাদের মতে নীরজার বিবাহ দেব না, এই কথা বলাতে বাবা একেবারে অগ্নি-শর্মা হইয়া উঠিয়াছিলেন । তিনি বলিলেন “তাহা হইলে তোকে ভাজাপুল করিব জেনে রাখিস্ ।” বাবার যে কথা সেই কাজ, জান তো ভাই, কাজেই চূপ করিতে হইল । বাবা বর্তমানে আমার কোন আশাই পুরিবে না ।” বন্ধু বলিলেন “হাঁ, ভাগ করা অমনি মুখের কথা ।” বিমলাচরণ বলিলেন “সে কথা গবে হবে, বাবা হয়তো এখনি ডাকবেন । অমন বিবাহ আমি দিতে পারিব না ; চল একটু রাস্তায় গিয়া বেড়াই ।” বন্ধু বলিলেন “সে ভয় করিও না, সাত বছরের গৌরীদানের কলে তোমার বাবা তোমাকে ভাগ বসাতে ডাকিবেন না ।” “তা না হলেও হয়তো দেখতে ডাকবেন, চল একটু ও দিকে যাই ।” দুই জনে বাটা হইতে বাহিরে বেড়াইতে গেলেন । বস্ত্র নবকিশোর বাবু গুলিয়া বলিলেন “ওটা উচ্ছন্ন গেছে ।”

বিবাহ আরম্ভ হইল । নীরজার শুভ কোমল মুদ্র হস্তখানি লইয়া আর একখানি শুভ কোমল হস্তে বাঁদিয়া দিবার সময় নব-

কিশোর বাবুর চক্ষে অনাহুত এক ফোঁটা অশ্রু আসিয়া পড়িল, তাঁহার আদরের গৌরী আজ পরের হইল বলিয়া না কি ? বিবাহের পরে বর কন্ডাকে ক্রোড়ে লইয়া নবকিশোর বাবু আশীর্বাদ করিলেন। নীরজা তখন ঘুমে ঢুলিয়া পড়িতেছিল। সমস্ত দিনের উপবাসে ও একটা অজ্ঞাত আনন্দ ও শ্রমে তাহার গুত্র স্তন্যদ কচি মুখখানিতে অর্ধনিম্নীলিত চক্ষের পাতার উপর একটা স্নান ক্রান্তির ছায়া পড়িয়াছিল। নবকিশোর বাবু সম্মুখে তাহার স্বদেশিক পুত্র ললাটে চুম্বন করিলেন। অশ্রুট আশীর্বাদ তাঁহার কপ্পিত ওষ্ঠে ঘুরিয়া বেড়াইল। সেই মুহূর্ত্তে পুরোহিত-গ্রন্থসকলের চীৎকারে তদ্রাচ্ছন্ন বালিকা চমকিয়া উঠিল। নবকিশোর বাবু সভয়ে চাহিয়া দেখিলেন যে, বরণডালার পদীপের উপরে নীরজার বস্ত্রের স্বর্ণাঞ্চল পড়িয়া অগ্নিয়া উঠিয়াছে।

অত্ৰু কেহ তাহাদের নিকটে না আসিতে আসিতেই বর নীরজার অঞ্চল টানিয়া লইয়া হস্তস্থ দর্পণের আঘাতে ও ফুৎকার দিয়া অগ্নি নির্বাপিত করিল। নীরজা দেখিল তাহার বরটীভো বেশ সাহসী। বরও সেই সময়ে একবার সভয় ও চকিত দৃষ্টিতে তাহার অধুর মুখখানি দেখিয়া লইল। অগ্নি-নির্বাপনের পরেও সে ছই তিন বার চোখ তুলিয়া কন্ডার দিকে চাহিয়াছিল।

অগ্নি নিভিল, কিন্তু নবকিশোর বাবুর মনের ধূমরাশি মিলাইল না। একি অশঙ্কণ !

তাহার পরে নীরজা স্বপ্নরবাড়ী মাইল। তিন চারি দিন পরে ফিরিয়া আসিয়া নবকিশোর বাবুকে জড়াইয়া ধরিয়া বলিল “আমার কোথায় পাঠিয়েছিলে, আমার কবার জন্তে কত কান্না পেত, দাদার জন্তে কান্না আসত, সব চেয়ে তোমার জন্তে কান্নাতাম, আর মন কেমন করত। আর আমার সেখানে পাঠিও না, দাদা বাবু”। নবকিশোর বাবু কাতর হইয়া বলিলেন “ছি দিদি, ও কথা বলো না, কেমন স্তন্যদ শীঘ্র পরেছ, সিঁদুর পরেছ। আরে তারা আমার দিকিকে যে একেবারে মেয়ে মাজুব মাজিরে দিয়েছে। দেখি দেখি !” লজ্জার নীরজা দাদা বাবুর কোলে মুখ লুকাইল।

চারি মাস পরে মধ্যমী পূজার দিন নবকিশোর বাবু পূজাস্তে নীরজাকে কোলে লইয়া নিকটে নবমবর্ষীয় গোত্র স্তরোদ্ভকে ও লইয়া বসিয়া আগমনীর শানাইয়ের আলাপ শুনিতেছিলেন এবং ভক্তির উচ্ছুসে এক একবার কানিয়া ফেলিতে-ছিলেন। কারণ না বুঝিয়া ও দাদাবাবুর চোখে জল দেখিয়া নীরজার চোখেও জল আসিয়াছিল। চারি দিকে আনন্দ-কোলাহল। সহসা একধানিষ্ট পত্র আসিল, সংবাদ “—জামাতা ব্রজনাথ মারা গিয়াছে।” নবকিশোর বাবু কিছুক্ষণ নীরবে বসিয়া থাকিয়া নীরজাকে ক্রোড়ে করিয়া একটা কক্ষে গিয়া দ্বার রুদ্ধ করিলেন। বাহিরের ক্রন্দন-কোলাহল শুনিয়া নীরজা কারণ জানিতে যাইতে চাহিলে তাহাকে বন্ধে

চাপিরা ধরিয়া বলিলেন “দিদি তুই এইখানে থাক, বাহিরে যাসুনে।” প্রতিমার সেই সপ্তমী পূজার দিন ভিন্ন আর পূজা হইল না। জমিদারবাড়ীর হুর্গেৎসক সেই হইতে বন্ধ হইল।

দ্বিতীয় পর্বিচ্ছেদ।

কয়েক দিন পরে বিমলাচরণ শোকাকুল হইয়া নবকিশোর বাবুকে যথেষ্ট ভৎসনা করিলেন। নবকিশোর বাবু একটী উত্তর না দিয়া নীরবে অল্প অল্প মোচন করিতে লাগিলেন। শেষে বিমলাচরণ বলিলেন “আমি আপনার নিকট হইতে চলিলাম, উপার্জনক্ষম হইলে স্ত্রী পুত্রাদি লইয়া যাইব। আপনি অল্প বয়স হইতে আমার সর্বনাশ করিয়াছেন, বালক-বয়সে আমার বিবাহ দিয়া আমার সমস্ত জীবন অসার করিয়া দিয়াছেন, তাহা না হইলে এত অল্প বয়সে আমাকে এরূপ সাধারণ বঙ্গবাসীর মত জীবনের স্বত্রপাত দেখিতে হইত না। আমি কি আশা করিয়াছিলাম, আমি কি হইতাম তাহা আপনাকে আর কি বলিব, আপনার অদৃষ্টে সেইরূপ পুত্র নাই, তাই আমার সর্বনাশ করিলেন। যাক্ আমি চলিলাম, আপনি জাতিকুল লইয়া থাকুন।” মর্মান্বিত নবকিশোর পুঞ্জের হাত ধরিলেন। পুত্র গুলিল না, যাইবার সময় বলিয়া যাইল “নীরজাকে তাহার বৈধবোর কথা বলিবেন না, আমি আপনার ভাধি নির্দম নই, আমি তাহার পিতা, তাহাকে স্বামী করিবার চেষ্টা করিব।

বিমলাচরণ উপার্জনেচ্ছায় কলিকাতায়

চলিয়া গেলেন। নবকিশোর বাবু চক্ষু মুছিতে মুছিতে নীরজা ও হুর্গেৎসকে কোলে লইয়া বসিলেন। পৌত্র হুর্গেৎসের অপেক্ষা নীরজাকে তিনি অধিক ভাল বাসিতেন।

বিমলাচরণ বলিয়া গিয়াছে “নীরজাকে বৈধবোর কথা জানাইও না”। নবকিশোর বাবু ভাবিয়া ভাবিয়া বুঝিলেন ইহা না জানাই ভাল, যতদিন না বুকে ছুখে থাকিবে। তবে বিমলাচরণের শেষের কথাটা ভাল বুঝিতে পারিলেন না।

প্রথমে যখন নীরজার স্মৃতির সঁজুর মুছিয়া ও নোওয়া খুলিয়া দেওয়া হইল, তখন সে অতিশয় বিস্মিত হইয়াছিল। কান্নাকাটীতেও সে ততোধিক বিস্মিত হইল। তাহার মাতাকে কারণ জিজ্ঞাসা করিতে তিনি বেশী কাঁদিয়া উঠিলেন, সেইজন্য আর নীরজা তাহাকে জিজ্ঞাসা করিল না। একদিন ভয়ে ভয়ে তাহার দাদাবাবুকে জিজ্ঞাসা করিয়াছিল। যখন দেখিল দাদাবাবু মুখ ঢাকিল, তখন সে তাহার কোতুহলবৃত্তি প্রশমিত করিতে লাগিল। ক্রমে ক্রমে যত দিন যাইতে লাগিল, সে সব ভুলিয়া গেল। হৃন্দর বরটার কথা বিবাহের পর প্রথম প্রথম কয়েক দিন মনে পড়িয়াছিল, তারপরে একটা খেলনা পাইলে শিশু যেমন হারান খেলানাটা ভুলিয়া যায়, নীরজাও তেমনি বরটার মুখখানি বিস্মৃত হইয়াছিল। তবে যখন তাহার বরের কথা সকলে বলিত, তখন সে জানিত তাহার বর বলিয়া কিছু ছিল।

তাহার পরে সে সব কথা আর কেহ বলিত না, কাজেই সেও তাহাকে ভুলিয়া গেল। মনে করিয়া দিবারও কেহ ছিল না, কেননা নবকিশোর বাবু কোনও বালক বালিকার সহিত তাহাকে খেলিতে বা মিশিতে দিতেন না। নীরজার জ্ঞানের উন্মেষ হইলে ভাতা অরুণ ও দাদাবাবু তাহার খেলার, গল্পের, আমোদের ও হাসির সঙ্গী, এখনও তাহাই।

নবকিশোর বাবু পূর্বে তাহাকে পড়িতে শিখাইয়াছিলেন, এখনও তিনি একাট্র-চিন্তে নীরজার শিক্ষার দিকে বদল করিতে লাগিলেন। যেমন পাঠ্য পুস্তক পড়াইতেন, সেই সঙ্গে রামায়ণ, মহাভারত, সীতার বনবাস, রামবনবাস প্রভৃতি পড়াইতেন এবং সন্ধ্যায় ও সকালে বাগানে গঙ্গার সোপানে নীরজা ও অরুণকে ছই দিকে বসাইয়া আশনি মধো উপবেশন করিয়া কত নীতিপূর্ণ পৌরাণিক গল্প বলিতেন। কেমন করিয়া পাঁচ বৎসরের শিশু দ্রব পদ্মপাশ-পোচনকে আবুলখাণে ডাকিতে ডাকিতে তদ্রূপতা গ্রাপ্ত হইয়াছিল, তাহার হুঃখিনী মাতার করুণ বিলাপ শুনিয়া কেমন করিয়া গাছের পানী-জলাও কাঁদিয়া উঠিয়াছিল। রাজকুমার প্রহ্লাদ হরির নামে সর্পভাগী হইয়া কত বিপদ হইতে উদ্ধার পাইয়াছিল। রাজকন্যা সীতা ও সাবিত্রীর কথা, তাহারা কেমন করিয়া পিতা, মাতা, স্বশুর, শশু, পতি ও আত্মীয় স্বজনকে প্রীত করিয়া-

ছিলেন। রাজকন্যা হইয়া তাহারা কত কষ্ট সহিয়াছিলেন। কেমন করিয়া সাবিত্রী বনের নিকট হইতে মৃত পতিকে হাটাইয়া-ছিলেন, ইত্যাদি বহু নীতি ও ভাবপূর্ণ কথা নবকিশোর বাবু গভীরকণ্ঠে তাহাদিগকে বলিতেন। কখন কখন নবকিশোর বাবু রামবনবাসের ও সীতারিসৃজনের ছবি আনিয়া সেই শোকাবহ ঘটনার গল্প বলিতেন। তখন নীরজা শোকাভিভূত ও ব্যথিতহৃদয় হইয়া সত্য সত্যই কাঁদিয়া উঠিত। আবার রামের বন হইতে পুনরাগমন, রাজ্যপ্রাপ্তি, সীতা উদ্ধার শুনিয়া শাস্ত হইয়া শযায় গিয়া শয়ন করিত। রাত্রিকালে সেই সকলই স্বপ্নে যেন প্রত্যক্ষ দেখিত।

প্রভাতে নবকিশোর বাবুর সহিত পুষ্প চয়ন করিয়া আনিয়া নীরজা তাহার পূজার আয়োজন করিয়া দিত। নবকিশোর বাবু চন্দনের কোঁটা পরিয়া তাহাকে একটা পরাইয়া দিতেন। তখন নীরজা পড়িতে বসিত। নবকিশোর বাবুর পক্ষী বর্ডমান ছিলেন না, বৃত্তরাং নীরজার মাতাই গৃহিণী।

বাহিরে ভিক্ষার্থী আসিলে নবকিশোর বাবু তাহাকে অনুরে ডাকিয়া আনিতেন। নীরজা মহানন্দে তাহাকে নিজে পরিবেশন করিয়া ভোজন করাইত। পরে তাহার প্রার্থিত দ্রব্য নীরজার হাত দিয়া তাহাকে দান করাইয়া নবকিশোর বাবু তাহাকে বিদায় দিতেন। নীরজার আনন্দে নবকিশোর বাবু ক্রমশঃ সব হুঃখ ভুলিতে

লাগিলেন। তিনি শাপলগে চেষ্টা করিতে
লাগিলেন কিংএ এই কোমল কলিকাটির
গায়ে সংশয়ের একটুও রোজ না লাগিতে
পারে। তাই নিজের বিশ্বাস, চেষ্টা ও
পবিত্রতার দ্বারা নীরজার মুকুলসদৃশ
জীবনটি ধীরে ধীরে প্রস্তুত করিতে
লাগিলেন। হায় নিখোঁদ মানব! কার্য-
কারণরূপপ্রাপ্ত নিরতির যে গতি,
তোমার কি লাগ্য ভাষা রোধ করা। বুঝা
আকুল চেষ্টায় ব্যাকুলভাবে নিঃস্বের
শৃঙ্খল ভাঙিতে চেষ্টা করিতেছ।

এমনি করিয়া ছই বৎসর কাটিয়া গেলা।
ইতিমধ্যে অরেক্সকে বিমলাচরণ এক বৎসর
পরেই কলিকাতায় লইয়া গিয়াছেন।
সেখানে বিমলাচরণ ওকালতি করেন,
এখন বেশ পসার হইয়াছে। তিনি জী ও
কন্যাকে পাঠাইবার জন্য পিতাকে লিখিয়া
ছিলেন। নবকিশোর বাবু কোন উত্তর না
দেওয়ার পুনর্বার লিখিয়াছেন যে, আমি
পূজার বন্দে গিয়া তাহাদিগকে লইয়া
আসিব, তাহাদিগকে প্রেরিত করিয়া
রাখিবেন।

প্রার্থনা।

হৃদয়মন্দির সম তোমারি নিলয়ভূমি,
কোথায় খুজিহু বুঝা আমারি অন্তরে তুমি।
এস নাথ প্রকাশিয়া জুড়াক তাপিত প্রাণ,
জীবনের ভুল ভ্রান্তি হয়ে যাক অবসান।
যখন তোমারে খুঁজে অমিলাম বিশ্বমাঝ
অন্তরে নীরবে বসে বেধেছিলে বিশ্বরাজ।
হৃদয় ভকতি পুষ্প সযতনে মালা গাঁথি
কাহারে পরাব ভেবে কাটায়েছি
সারা রাত্রি।
কিরেছি মন্দিরদ্বারে হাতে লয়ে গাঁথা মালা
রুদ্ধদ্বার ধোলে নিত বুঝা চলে গেছে বেলা।

এখন ওকাল ফুল নাহিক সুরভি আর
কি দিব কি আছে মম আছে মাজ তক্কি হার।
লগ নাথ লও তুলি দাগ ও চরণে স্থান,
দীনের এ তুচ্ছ দানে করিও না প্রত্যাখ্যান।
যখন বুগেছ দ্বার তখন দিগেছ দেখা,
রোরিও না দ্বার পুনঃ আধারে রেখ না
একা।
তোমারি মন্দিরে বসি তোমারে পূজিব
আমি।
সে পূজা অন্তরে তুলে নিও তুমি অঙ্ক-
গামি।

শ্রী বহু রূপা দেবী।

ভ্রমণ-কাহিনী।

(একজন বন্ধুর কথা ।)

আমার বয়স যখন আঠার বৎসর, তখন আমি পুরীতে ছিলাম। প্রায়ই প্রতাহ জগন্নাথদর্শন হইত। বিদলা দেবীর রাঙ্গা পা দুখানিতে রাঙ্গা জবার অঞ্জলী দিতে কি ভালই লাগিত। আর কি জন্মের সমুদ্র, তাহার ধারে ঘুরিয়া বেড়াইতাম। কত জন্মের জন্মের বিছক বুড়াইতাম। লম্বুতরঙ্গের মধ্যে কত লুটাপুটি পাইতে হইত। আনের সময় তরঙ্গের সঙ্গে যুদ্ধ করিতে হইত। এক দিন আমি ও আমার বন্ধু রমেশ খণ্ডগিরি দেখিতে গিয়া, তাহার অদূরস্থ জঙ্গলে শিকার করিতে গিয়াছিলাম। ইহা যে দেবদ্যান, দেব-স্থানের মধ্যে হিংসা অহুচিত, সে কথা বেন কে ভুলাইয়া দিয়াছিল। সন্ধ্যা হইয়া আসিল এমন সময় আমরা একটি হরিণ দেখিতে পাইলাম। আমাদের দিকে দেখিয়া হরিণটি প্রাণভয়ে ছুটিয়া পলাইতে উদ্যত হইল। কিন্তু তাহার চেষ্টা সকল হইল না। দুই দিক হইতে দুইজনে তাহাকে তাড়া করিলাম। আমাদের দুই জনেরই হাতে দুইটি বন্দুক ছিল। দুই জনেই একসঙ্গে গুলি করিলাম। আহত হইয়া একবার মাত্র সে আমাদের দিকে চাহিয়া সেইখানেই পড়িয়া গেল। তাহার বড় বড় চোখ হইটীতে কণ্টের চিহ্ন মিলাইয়া গেল।

এমন সময় একটি গর্জনশব্দ শুনিয়া পিছনে চাহিয়া দেখি "এক প্রকাণ্ড ভালুক"। ভয়ে আমাদের তো শরীর কম্পিত হইতে লাগিল। আমি রমেশকে বলিলাম "এখনই আমরা নির্দোষ হরিণটিকে মারিলাম তাহারই ফল পাইতেছি, যাহা হউক সাহসে বুক বাঁধ"। আমি সাহসে ভর করিয়া বন্দুক উঠাইলাম। রমেশও উঠাইল, কিন্তু তাহার হাত কাঁপিতে লাগিল। আমি ভালুকের মতক লক্ষ্য করিয়া গুলি ছুঁড়িলাম। আমার গুলি মস্তকে না লাগিয়া পৃষ্ঠে লাগিল, কিন্তু রমেশের গুলি ভালুকের মাথায় লাগিল। তখন ভালুক চিংকারে বন কাঁপাইয়া আমাদের দিকে ছুটিয়া আসিল। আমরা আবার গুলি করিলাম, ভালুক মরিয়া গেল। আমরা আগ্রহ মৃত্যু হইতে রক্ষা পাইয়া আশ্চর্যাবিত হইয়া কিছুকণ দাঁড়াইয়া রহিলাম। তার পর আকাশের দিকে চাহিয়া কাঁদিয়া ফেলিলাম। ঈশ্বর ভিন্ন আর কেহ এরূপ বিপর হইতে রক্ষা করিতে পারে না, আমরা রক্ষার অযোগ্য হইলেও তিনি আমাদের ত্যাগ করেন নাই, হরিণটির সেই চুষ্টির কথা মনে করিয়া প্রাণে কষ্ট হইল। ভালুক ও হরিণ মারিয়াছি, বাড়ী

আসিয়া সকলের নিকট গর করিলাম, কিন্তু
আফ্রাদ করিতে প্রবৃত্তি হইল না। এখন
বুদ্ধ হইয়াছি, এখনও মাঝে মাঝে সেই
কথা মনে হয় যে, নির্দোষ হরিণটাকে

খেলায় ছলে হত্যা করিয়াছি, তাহার ফলে
আমাদেরও সেই রকম ভাড়া খাইয়া
মরিয়া পাপের প্রায়শ্চিত্ত করিতে হইবে।

শ্রীমতী কল্লনা দেবী।

(১১ বৎসরের বালিকা।)

মারসী মারভিল্।

(পূর্ব প্রকাশিতের পর)

“তাহা হইলে আমাকে শীঘ্রই মরিতে
হইবে, আর—”। লেডি পমরয়ের ভ্রাতা
লেডি পমরয়কে একপভাবে অনর্গল বকিয়া
যাইতে শুনিয়া ভৎসনাত্মক স্বরে বলিলেন
“কি মিথ্যা বকিতেছ?”

লেডি পমরয় ভ্রাতার এইরূপ বাধা গ্রাহ্য
না করিয়া বলিয়া যাইতে লাগিলেন—
“আমি মরিয়া গেলে পর যখন আমার মৃত
দেহ ফুল ও ফুলের মালায় সজ্জিত করিয়া
সমাধিস্থানে লইয়া যাওয়া হইবে, তখন
আমাকে কেমন সুন্দর দেখাইবে।
আমার স্বামী কেমন বিবাহ ও নতবদনে
আমার শবদ্বারের অহুগমন করিবেন।
সকলে, ধীরে ধীরে কথা কহিবে। আমি
এখনই যেন ভৃত্যদিগকে বলিতে শুনিতে
পাইতেছি যে, আমার স্বাম্য সৎলোকেরা
এই মলিন পাপপূর্ণ পৃথিবীতে থাকিবার
উপযুক্ত নহে। সৎলোকেরা অধিক দিন
পৃথিবীতে অবস্থান করেন না, কারণ
দেবলোকে তাঁহাদিগের অত্যন্ত আবশ্যক
হইয়া পড়ে। অবশ্য আমার শবদ্বারটি

দেখিতে অতিশয় সুন্দর হইবে, এবং
চারিটি খেতবর্ণের অর্থ তাহা বহন
করিয়া লইয়া যাইবে। আমার শবদ্বার
সহিত এই সমস্ত বন্দোবস্ত আমি ইতি-
পূর্বেই করিয়া রাখিয়াছি। আমার শবদ্বার
খেত অর্থেই বহন করিবে। দীর্ঘ-লাঙ্গুল-
বিশিষ্ট কুম্ভবর্ণ অর্থ শবদ্বার বহন
করিতেছে ভাবিলে শরীর শিহরিয়া উঠে।
দীর্ঘলাঙ্গুলযুক্ত কুম্ভবর্ণ অর্থ দ্বারা আমাদের
শবদ্বার বহন করাইবার রীতি কেন যে
দাঁড়াইয়া গিয়াছে, তাহা আমি বুঝিতে
পারি না।”

লেডি মেরি লেডি পমরয়কে এইরূপ
ভাবে কথা বলিয়া যাইতে শ্রবণ করিয়া
বলিলেন—“প্রিয়তম ডলি, এ কি ভীষণ
কথা? তুমি কি বলিবার আর কিছু পাইলে
না? কেমন করিয়া তুমি এমন কথা মনে
আনিতেছ? তোমার ঐরূপ ভীষণ কথা
শুনিয়া আমার হাত পা সমস্ত শিগিল
হইয়া আসিতেছে।

লেডি পমরয়ের ভ্রাতা লেডি মেরিকে

বলিশেন হাঁ, লেডি মেরি, ডলি কি নিচুই
কথাই বলিতেছে। ইহা শুনিলে যথার্থই
শরীর শিহরিয়া উঠে, উহাকে নিরস্ত
করুন। উহাকে না নিরস্ত করিলে ঐ
বিষয় লইয়া ও আন ঘণ্টা ধরিয়া থাকতে
থাকিবে। অস্বাভাবিকতা এবং কুকুর ও
ঘোড়ার পরস্পরে কি কথা বলিয়া থাকে,
ডলি সেই বিষয়ে কথা বলিতে অতিশয়
ভালবাসে। আমি এমন অর্থহীন কথা
আর কখন কাহাকে বলিতে শুনি নাই।

লেডি পমরয় তাহার ভ্রাতার কথা
প্রতিবাদ করিয়া বলিলেন—“তুমি নিশ্চয়ই
অতি নির্দোষ। ইহা অর্থহীন কথা
নহে। কুকুর ও ঘোড়ার নিশ্চয়ই পরস্পরে
কথা বলিয়া থাকে। আজ প্রাতে যখন
আমি আমার ঘোড়া জ্যাককে বলিলাম
“জ্যাক আজ আমি তোকে ভ্রমণার্থ
বাহিরে লইয়া যাব, তখন সে আমার
কথা শুনিবামাত্র দৌড়িয়া অংশালে
শৃঙ্খলাবদ্ধ ‘জ্যালা’ নামক ঘোড়ার সহিত
কি কথা বলিতে গেল। সে নিশ্চয়ই
সামান্যকে তাহার বাহিরে বেড়াইতে
যাইবার কথা বলিয়াছিল, তাহা না হইলে
জ্যালা এত রাগিয়া উঠিবে কেন?”

লেডি মেরি লেডি পমরয়কে নিরস্ত
করিবার অভিপ্রায়ে পাদরী আনষ্টথারের
প্রতি দৃষ্টিপাত করিয়া বলিলেন “আমার
বিধান, মিটার আনষ্টথার কোন একটি
গুরুতর বিষয় সম্বন্ধে কোন কথা আমা-
দিগকে বলিতে আসিয়াছেন, নতুবা তাঁহাকে
এত গভীর ও চিন্তিত দেখাইতেছে কেন?”

মিঃ আনষ্টথার আগমার কি বক্তব্য বলুন,
আমি প্রনিবার জন্য উৎসুক হইরাছি।”

পাদরী আনষ্টথার এই সময় একটা
উচ্চ চৌকির উপর হস্ত স্থাপনপূর্বক
চিম্নীর সম্মুখে বসিয়াছিলেন। তিনি
লেডি মেরি কর্তৃক এইরূপে অহুত
হইয়া তাহার প্রতি নিতীক দৃষ্টিপাত-
পূর্বক মুক্তকণ্ঠে বলিলেন “লেডি মেরি,
আমি আপনার নিকট একটি অলুগ্রহ
প্রার্থনা করি, তাহা অত্যন্ত গুরুতর।
সে অলুগ্রহটি এই যে ইলষ্টোন পলী-
বাগিণের বাহাতে ধ্বংস মতি হয়, সেরূপ
কার্যে আপনাকে সাহুস্রাগ সাহায্য দান
করিতে হইবে।”

লেডি মেরি বলিলেন “হাঁ, নিশ্চয়ই।
আপনি সর্বদাই আমার উপর সেজ্ঞা
নির্ভর করিতে পারেন।” পাদরী আন-
ষ্টথার কর্তব্য কার্যে পরাধীন হইবার
লোক ছিলেন না। তিনি বে প্রলম্ব
উত্থাপন করিয়াছেন, তাহা লেডি মেরির
নিকট যে নিতান্ত অসাময়িক ও
অপ্রাসঙ্গিক বোধ হইবে, তাহা তিনি
বেশ বুঝিয়াছিলেন। কিন্তু তাহার
অতীষ্ট উদ্বেগান্বিত বিষয়ে সেইরূপে
যে স্বেযোগ উপস্থিত হইয়াছিল, তাহা তিনি
চলিয়া বাইতে দিতে ইচ্ছুক ছিলেন
না। তিনি অনেক দৃঢ় করিয়া লেডি
মেরির কথার উত্তরে বলিলেন “আপনি
সচরাচর দরিদ্রগণা বাসিদিগকে অর্থ
ও বস্ত্রদানে সেজ্ঞা সাহায্য করিয়া
ধাকেন, আমি সেজ্ঞা সাহায্য প্রার্থনার

জন্তু এবার আসি নাই। আমি তাহা অপেক্ষা অল্প মহত্তর অল্পগ্রহ প্রার্থনার জন্তু আনিয়াছি। যদ্যপি সে অল্পগ্রহটি বড় অতিরিক্ত বলিয়া আপনার মনে হয়, তবে আমাকে তজ্জন্তু ক্ষমা করিবেন। এখানকার পল্লীবাসিগণের মধ্যে সতত আপনার উপস্থিতি এবং তাহাদের চুঃখ, কষ্ট ও শোকে আপনার ব্যক্তিগত সহায়ত্ব প্রার্থনার জন্তুই আপনার নিকট আসিয়াছি।”

যখন তিনি এই কথা বলিতে ছিলেন, তখন তিনি সেই মহার্ঘ চিত্র ও আসবাব-সজ্জিত ক্র্যানুবয়েন-প্রাসাদ, লেডি পম্বর ও তাহার ভ্রাতার হাস্যোজ্জ্বল ও বিদ্রুপহৃৎক নয়ন এবং তাহার প্রার্থনাটি কতদূর সম্ভব, ইহা একেবারে বিস্মৃত হইয়া গিয়াছিলেন। কেবল মাত্র তাহার ধর্মমণ্ডলটির অন্তর্গত দীন পল্লীবাসিগণের কথা তিনি স্মরণ করিতে ছিলেন। তিনি কেবলি জীবন-সংগ্রামে পিষ্ট, দীন পল্লীবাসিগণের কথা ভাবিতে ছিলেন। তাহারা চুঃখ, কষ্ট ও শোকের সময় তাহারি উপর নির্ভর করিয়া তাহারি নিকট সাহায্যের জন্তু আগমন করিয়া থাকে। ক্রাইষ্ট বৈরাগ্য সমগ্র মানবজাতির প্রতিনিধি স্বরূপে তাহাদের সমস্ত পাপ, তাপ, মালিন্য বক্ষ পাতিয়া গ্রহণ করিয়াছিলেন, তিনিও সেইরূপ সেই দীন পল্লীবাসিগণের প্রতিনিধি স্বরূপে তাহাদের মঙ্গল উদ্দেশ্যে হস্ত, বিদ্রুপ ও তিরস্কারের পাত্র হইবার জন্ত প্রস্তুত

হইয়া আসিয়াছিলেন। তৎপরে তিনি কোন দিকে দৃকপাত না করিয়া বলিয়া যাইতে লাগিলেন—

“লেডি মেরি! আপনার নিকটে একথা বীকার করিতে বাধ্য হইতেছি যে, আমার ধর্মমণ্ডলের অন্তর্গত এই পল্লীটির আধ্যাত্মিক উন্নতি সম্বন্ধীয় কার্যে পাঁচ বৎসর ধরিয়া অবিরত পরিশ্রম করিবার পর আমি সম্পূর্ণরূপে অলিঙ্গ হইয়াছি।”

লেডি মেরি তাহার এইরূপ নৈরাশ্য-ব্যঞ্জক কথার উত্তরে স্কন্ধে অথচ উৎসাহপূর্ণ স্বরে বলিলেন—

“না, না, আপনি একটুও অসিদ্ধ হইয়া নাই। আর এখন যখন আমি—”। পাদরী আনষ্টোয়ার লেডি মেরিকে আর বলিতে দিলেন না। তিনি তাহাকে বাধ্য দিয়া বলিলেন—

“না যথার্থই আমি অতি শোচনীয়রূপে অকৃতকার্য হইয়াছি। মানবজীবন এবং সমস্ত মানবীয় চুঃখ, কষ্ট ও শোক দীর্ঘরের প্রদত্ত দান মাত্র, ইলষ্টেলগ্রামবাসিগণের নিকটে সে সম্বন্ধে কোন প্রসঙ্গ উত্থাপন করিতে আমি এক্ষণে অত্যন্ত সঙ্কোচ বোধ করিতেছি। সম্প্রতি গ্রামে অত্যন্ত মৃত্যু ও পীড়ার প্রাদুর্ভাব হইয়াছে। আজ জন মরণানের একটিমাত্র কজা মারা গিয়াছে।”

চিরজুখী জন মরণানের একমাত্র কজাটির মৃত্যু হইয়াছে শ্রবণ করিয়া লেডি মেরি গভীরসহায়ত্বপূর্ণ স্বরে বলিলেন—

“আমি এ সংবাদ শুনিয়া অত্যন্ত দুঃখিত হইলাম।”

তৎপরে আনন্দিয়ার পূর্ববৎ সচেতন ও উৎসাহপূর্ণ স্বরে বলিতে লাগিলেন—
“সম্প্রতি শেহেনের বিধবা স্ত্রীর একমাত্র পুত্রটিরও মৃত্যু হইয়াছে। ক্রমক ডেবিডের গম কাটিয়া ফেলিতে হইয়াছে। দৈবাৎ পড়িয়া বাওয়ার তাহার পা ভাঙিয়া গিয়াছিল। আমি আপনাকে গ্রামবাসিনীদের এইরূপ দুঃখ ও দুর্দশা সম্বন্ধে বহু সংবাদ প্রদান করিতে পারি। কিন্তু এই প্রকার দুঃখ ও দুর্দশার কাহিনী বিবৃত করিয়া আপনাকে বিরক্ত করিতে সাহস করি না। বজার ও জুয়ারপতনে সম্প্রতি পত্রেরও বহু ক্ষতি হইয়াছে। গ্রামের মধ্যে বহু দুর্ভিক্ষ উপস্থিত হইয়াছে। গ্রাম-

বাসিগণ এতদিন অতি সাহসের সহিত এই সমস্ত দৈবদুর্ভিক্ষ ও দুঃখদুর্দশার সহিত সংগ্রাম করিতেছিল। এতদিন তাহারা সমস্ত আধ্যাতিক দৈবদুর্ভিক্ষ ও দুঃখ দুর্দশা যে ঈশ্বরের বিশেষ বিধান, তাহাতে কোন সন্দেহ করিত না।

কিন্তু সম্প্রতি তাহারা বিধাসহীন হইয়া পড়িতে আরম্ভ করিয়াছে। আমি বহু চেষ্টায় তাহাদের বিশ্বাসহীনতা দূর করিতে পারিতেছি না। তাহারা আমার উপদেশ ও বাক্য অপরিণতবয়স্ক ব্যক্তির উজ্জ্বল জ্ঞান উপেক্ষা করিতে আরম্ভ করিয়াছে। তাহারা বলিতেছে যে, আমি জগতের কিছুই জানি না। মূল কথা এই যে, তাহাদের অজ্ঞতাই তাহাদের কাল স্বরূপ হইয়াছে।

প্রাচীন ভারতে স্ত্রীজাতির প্রতি আচরণ ।

ভোগিনী শব্দের অর্থ বাহ্যিক ভোগ অর্থাৎ সুখভোগ আছে। প্রকৃত ভাবে বলিতে গেলে বিলাসোপভোগের জন্ত গ্রহীতা হইতেন বলিয়া রাজার তাদৃশ পরীক্ষণ ভোগিনীপদবাচ্য হইতেন। মহিষী ও ভোগিনী, এই দুই নামের অর্থ পর্যালোচনা করিলেও জানা যায় যে, নৃপতিদিগের ধর্মোচরণের জন্ত একটা মাত্র পরী হইলেই চলিত। অতএব একাধিক বিবাহ করার আবশ্যকতা (অনেক স্ত্রী) দৃষ্ট হইত না। আর্ঘ্য-

গণের একপত্নীক ব্রতপালনই প্রশংসনীয় ছিল।

পূর্বকালে বহু বিবাহ, বিলসনশীল নৃপতিদিগের মধ্যেই বহু প্রচলিত এবং তদনুসারে সচরাচর বিরল ছিল। তৎকালে বরষর-প্রথা প্রচলিত থাকাতো স্বয়ম্বর-সভায় নিমন্ত্রিত অনেক বিবাহিত ভূপাল-দিগের সঙ্ক্ষেপে একজন জানা যায় যে, অনেকানেক প্রসিদ্ধ রাজা স্বর্ণ-পরী বা রাজমহিষী ভিন্ন আর দ্বার-পরিগ্রহ না করিয়া রাজসমাজে এক-

পত্নীক জ্বরের উজ্জল দৃষ্টান্ত রাখিয়া গিয়াছেন।

গৃহস্থগণ বিনা কারণে ও বিনা দোষে পত্নী পরিত্যাগ করেন অথবা দারাদ্বার পরিগ্রহ করেন, ইহা শাস্ত্রকারদিগের অভিপ্রেত ছিল না। কিন্তু অবস্থায় পত্নীর সংশ্রব ভাগ অথবা দ্বিতীয় দ্বার পরিগ্রহ করা যাইতে পারে, তদ্বিরয়ে ভগবান্ মনু কতিপয় বিধি নির্ধারণ করিয়া দিয়াছেন। পত্নী যদি শত্রুভাবাপন্ন হন, তবে তাঁহার সেই বৈধবার বিদূরিত হইল কি না তজ্জন্ত স্বামী এক বৎসর অপেক্ষা করিবেন। যদি উক্ত সময়ের মধ্যেও তাঁহার সেই তার বিদূরিত না হয়, তবে স্বামী তাঁহার সহিত একত্র বাস ত্যাগ করিবেন। যদি স্ত্রী মন্তপাদিনী, অসাধুশীলা, প্রতিকূলা (স্বামীর অভি-প্রায়ের বিপরীত কার্যকারিণী), চির-রুগা, অত্যন্ত ক্রুরভাবা বা অর্থনাশিনী হন, তবে স্বামী পুনর্বার দারপরিগ্রহ করিতে পারেন। স্বামী স্ত্রী বদ্ধা হইলে অষ্টম বর্ষে, মৃতপ্রজা হইলে দশম বর্ষে, কেবল-কন্তা-প্রসূতিনী হইলে একাদশ বর্ষে পুনরায় দারপরিগ্রহ করিত পারেন; কিন্তু স্ত্রী যদি অগ্নিরাবাদিনী (স্বামীর প্রতি সর্বদা অযথা অশ্রাব্য কটুভাষিণী) হন, তবে মদ্যঃ অর্থাৎ মদন অসহ্য হয়, তখন কালাতিপাত ব্যতিরেকে দ্বিতীয় দ্বার গ্রহণ করিতে পারেন।

উপর-উক্ত যে কর্তব্য কারণে পুরুষের দারাদ্বারপরিগ্রহের বিধি শাস্ত্রে দেওয়া হইয়াছে, তাহার কোনটো অর্থোক্তিক

নহে। অর্থোক্তিক হইলে শাস্ত্রকার-গণ সেরূপ বিধান কেনইবা করিতে বাহিবেন। স্ত্রীকে বৈধভাবাপন্ন জানিতে পারিলেই তাহাকে ত্যাগ করিবার বিধি নাই। তাহার মনোভাব পরিবর্তিত হয় কি না, তাহা পরীক্ষার জন্ত এক বৎসর কাল নির্দিষ্ট হইয়াছে। মন্তপাদিনী নারী মন্তিকবিকৃতি নিবন্ধন কার্যাকার্য বিচার করিতে পারে না, তাহা কর্তৃক ধর্মবিকৃত কার্যও অনুষ্ঠিত হয়, এই জন্ত ঐরূপ স্ত্রী ত্যাগার্থ। অসাধুশীলা ভাষ্যা দ্বারা কুলের গৌরব ও পরিজ্ঞাতা রক্ষা হয় না বলিয়া পতিকে পদে পদে অবমানিত ও হর্দশাগ্রস্ত হইতে হয়, এই জন্ত ধর্মজ্ঞ স্ত্রী বর্জনীয়। পত্নী যদি স্বামীর অভি-প্রায়ের বিপরীত কার্য করে, তবে তাহাকে লইয়া গৃহস্থের সুখশান্তির-সম্ভাবনা কোথায়? সুতরাং তথাবিধা পত্নী মকেও গৃহস্থ পুনর্বার বিবাহ করিতে পারেন। পতির সহিত পত্নীর অকপট ব্যবহার কর্তব্য। যেখানে কপটতার প্রাণ-ভাব, সেখানে বিস্তৃত প্রণয়ের সম্ভাবনা কোথায়? এই জন্ত স্ত্রী ক্রুরভাবা হইলে গৃহস্থের পক্ষে দ্বিতীয় ভাষ্যা গ্রহণ করা নিষিদ্ধ নহে। গৃহস্থের পক্ষে অর্থের সদ্যবহার ও সঞ্চয় শধান কর্তব্য, তাহাতে আবার অনেক ব্যয়ভার গৃহিণীর হস্তে সঞ্চিত থাকে। গৃহিণী গৃহস্থের আয়ের দিকে দৃষ্টি না করিয়া যদি অপরিমিত ব্যয় করেন, তবে সেই সংসার শোচনীয় দশায় উপনীত হইতে পারে।

ঐক্যে অতিব্যয়হেতু বাহ্যতে গৃহস্থের সংসার হীনদশাপন্ন হইতে না পারে, তদুপায়বিধানার্থ শাস্ত্রকারগণ গৃহীকে বায়শীলা জ্ঞী সম্বন্ধে বিতীয় দার পরিগ্রহ করিতে বলিয়াছেন। চিরকথা জ্ঞীদ্বারা তাঁহার সংসারিক কার্য ও জুশূলতা চলিতে পারে না। পত্নী চিরকথা এবং বন্ধ্যাদি পোষে দুঃখিতা হইলে, গৃহস্থ পুনর্বার বিবাহ করিতে পারিবেন বটে, কিন্তু পূর্নপরিণীতা জ্ঞীকে ভরণ পোষণ হইতে বঞ্চিতা করিতে পারিবেন না। জ্ঞী বন্ধ্য ও চিরকথা হইলে তাঁহার অল্পমতি লইয়া পুরুষকে বিবাহ করিতে হইত। শুণবতী ভাৰ্যাও তাদৃশ স্থলে পতিকে স্বচ্ছন্দচিত্তে পুনর্বার দার পরিগ্রহের অল্পমতি দিতেন। জ্ঞী বন্ধ্য হইলেও কোন কোন গৃহস্থ পুনর্বার বিবাহ করিতেন না। তাঁহারা ভাবিতেন যে অচূঠে পুত্রলাভ না থাকিলে ভাৰ্য্যাস্তর গ্রহণ করিলেও ত পুত্র না জন্মিতে পারে? অনিশ্চিত পুত্রলাভের প্রত্যাশায় বিস্তর-প্রণয়িনী দম্পত্যদ্বীর সপত্নী-ভাব মাত্র স্থাপিত হইতে পারে। এইরূপ ভাবিয়া তাঁহারা বন্ধ্য পত্নী সম্বন্ধে পুত্রলাভকামনায় পুনর্বার দার গ্রহণ করা সম্ভব মনে করিতেন না। প্রাচীন আৰ্য্যসমাজে পবিত্রতা, সংশিক্ষা ও সাধুদৃষ্টান্ত প্রভাবে মদ্যপায়িনী, অসাবু-শীলা, প্রতিকূলা ও ক্রুরস্বভাবা ভাৰ্যা প্রায়ই থাকিত না বলিয়া গৃহস্থের পক্ষে ঐক্য স্থলে পুনর্বার বিবাহেরও প্রায়

প্রয়োজন হইত না। ভাৰ্যা অপ্ৰিয়-বাদিনী হইলে পতি পুনর্বার বিবাহ করিতে পারিতেন বটে, কিন্তু তৎসম্বন্ধেও কতকগুলি বিচার করিবার বিষয় ছিল। অনেক সময়েই ত দম্পত্যদ্বীমধ্যে কলহ ঘটে, সেই কলহোপলক্ষে অধৈর্য্য হইয়া গৃহিণী যদি হঠাৎ কোন অপ্ৰিয় বাক্য বলেন, তাহা হইলেই কি গৃহস্থ তাহাকে অপ্ৰিয়-বাদিনী বলিয়া স্থির করিয়া পুনর্বার বিবাহ করিবেন? তাহা কখনই নহে। স্বামীকে চরিত্রদোষ বা অবিশ্বাস্যকরিতা বশতঃ কোন দৃঢ়াঙ্কো রত হইতে দেখিলে যদি জ্ঞী কোন অপ্ৰিয় হিতবাক্য বলেন, তাহা হইলে কি তাঁহাকে অপ্ৰিয়বাদিনী বলিয়া বুঝিতে হইবে? অথবা কষ্ট-বিশেষে পড়িয়া যদি মনের দুঃখে স্বামীকে অপ্ৰিয় কথা বলিয়া ফেলেন, তাহা হইলেও কি তাঁহাকে অপ্ৰিয়বাদিনী বলিয়া স্থির করিয়া পুনর্বার বিবাহ করিতে হইবে? তাহা কোন প্রকারেই হইতে পারে না। অপ্ৰিয় ভাবা যে নারীর স্বভাবসিদ্ধ দোষ, তাহাকেই অপ্ৰিয়বাদিনী বলিয়া জানিবে। বিস্তরচরিত্র ও কার্য্যকার্য্যবিশেষজ্ঞ পতি যথোপযুক্ত ভরণ পোষণ, প্রণয় প্রদর্শন, সদয় ব্যবহার ও মিষ্ট ভাষণ দ্বারা তুষ্ট করিলেও যে নারী প্রকৃতিগত অভ্যাস বশতঃ সর্বদা অথবা অশ্রাব্য কটুক্তি প্রয়োগ করিয়া স্বামীকে শাস্তিলাভ করিতে দেয় না, সেই প্রকৃত অপ্ৰিয়বাদিনী জ্ঞী। আত্মীয়, পরিচিত ও গ্রামবাসি-নায়েই বাহাকে ঐক্য দ্বারা ও নারীর

অশান্তিবিধাগিনী বলিয়া জানেন, তিনিই
প্রকৃত অশ্রিধাধিনী। ঐরূপ জ্ঞান
ব্যবহার যখন অত্যন্ত অসহ্য হইয়া উঠিলে,
তখন স্বামী দ্বিতীয় দারপরিগ্রহের
চেষ্টা করিবেন। উক্ত বিষয়ে আর অধিক
বিস্তারিতরূপে না বলিলেও চলে। শাস্ত্রে

বিনা কারণে একাধিক দারগ্রহণের বিধি
নাই বলিয়া বোধ হয় প্রাচীন আর্গাগণ
ধর্মগতীর প্রতি যথেষ্ট সম্মান প্রদর্শন
করিতেন। (ক্রমশঃ)

শ্রীঅভিলাষচন্দ্র মার্কভোম কাব্যার্থ
ও পুরাণার্থ।

বাঘের আত্মকাহিনী।

চারি দিকে কেবলই মানুষের মুখ। এখন
বৃদ্ধ হইয়াছি এবং বোধ হয় শীঘ্রই মরিয়া
যাইব। আমার একটা নির্জন স্থানে
মরিতে ইচ্ছা করে, কিন্তু এখানে তাহার
কোন আশাই নাই। কারণ যখনই আমি
বাহিরের দিকে দৃষ্টিপাত করি, তখনই
কৌতূহলাক্রান্ত মানুষের মুখ দেখিতে
পাই। লোকে আমাকে ৭৮ সের সিদ্ধ
ঘোড়ার মাংস খাইতে দেখিয়া অবাক হইয়া
যায়। তাহার যদি আমাকে ঘোবনকালে
একটা বহুমহিষ খাইতে দেখিত, তাহা
হইলে না জানি কি বলিত! এখন ছোট
ছোট ছেলে মেয়েরা খোঁচা মারিয়া আমার
পহিত থেলা করে, কিন্তু এক সময়ে
আমিই বিড়াল যেরূপ ইঁহর ধরিয়া থেলা
করে, সেইরূপ মানুষ ধরিয়া থেলা
করিয়াছি। ছেলেবেলা হইতে আমার
কাহিনীটা তবে তোমাদিগকে বলি।

এ বেন ঠিক কালকের কথা। আমি ও
আমার ছই ভাই "সের আলি" এবং

"আফজল খাঁ" গুহার বালিকরা মেঝের
উপর লুটোপুটী খাইয়া কত রকমই থেলা
করিতাম। আমরা গুহার মুখ হইতে
অদূরবর্তী মাঠে মা ও বাবাকে শিকার
করিতে দেখিতে পাইতাম। যে দিন
আমি প্রথম একটা হরিণ শিকার করি, সে
দিনের কথা কি কখনও ভুলিতে পারিব?
হরিণটা মাঠের মধ্যে চরিতেছিল। তাহার
মধ্যে কেবল কতকগুলি ছোট ছোট ঝোপ
ছিল। আমি গুড়ি মারিয়া এ ঝোপ
হইতে ও-ঝোপে যাইতেছিলাম। যখনই
হরিণটা মাথা তুলিতেছিল, তখনই আমি
মাটিতে গুইয়া পড়িতেছিলাম। অনেক-
ক্ষণ এইরূপ করিবার পর আমি
শেষ ঝোপটার নিকটে পৌঁছিয়াছিলাম।
হরিণটাও বিপদের আশঙ্কা না করিয়া
চরিতে চরিতে সেইখানে আসিল।
হঠাৎ এক লাফে আমি তাহার পিঠে চড়িয়া
তাহার বাক মটুকাইতে লাগিলাম। কিন্তু
বলিতে লজ্জা করে, তখন আমি অত্যন্ত

ছোট ছিলাম বলিয়া হরিণটা আমাকে পিঠে করিয়াই ধোঁড়িয়া গেল। বাহাইউক কোন প্রকারে আমি তাহার টুটিটা ছিঁড়িয়া ফেলিলাম।

তাহার পরে যে ঘটনাটা ঘটে, তাহা এরূপ নির্ভিয়ে শেষ হয় নাই। আমরা তিন ভাই তখন গ্রাম পূর্ণাবয়ব প্রাপ্ত হইরাছিলাম এবং নিগেরাই শিকার করিতে পারিতাম। একদিন আমরা তিনজনে একটা ডোবাতে জল খাইতে ছিলাম এমন সময়ে একটা বস্ত্রশূকর আসিয়া আমাদেরই প্রতি দৃকপাত না করিয়াই জল খাইতে আরম্ভ করিল। সের আলির মেজাজটা একটু কড়া ছিল, সে কক্ষবরে শূকরকে সরিয়া বাইতে আদেশ করিল। কিন্তু শূকর তাহার কথায় কর্ণপাত করিল না। ইহাতে সের আলি ভয়ানক রাগিয়া শূকরটার উপর লাফ দিয়া পড়িল। শূকর চকিতের ভায় মুখ ফিরাইয়া দাঁড়াইল এবং সের আলি তাহার পিঠে না পড়িয়া তাহার তীক্ষ্ণ দন্তের উপর পড়িল। শূকরটা দাঁত দিয়া সের আলির চামড়া ছিঁড়িয়া দিয়াছিল বলিয়া আমরা কাপড় ছেঁড়ার মত একটা চড় চড় শব্দ শুনিতে পাইয়াছিলাম। সের আলি এই আঘাতে একটু কাবু ও অবাক হইরাছিল। কিন্তু শীঘ্রই সামলাইয়া লইয়া আবার শূকরটার দিকে লাফ দিল। এবারও শূকরটা দাঁতের আঘাতে তাহার চেষ্ঠা ব্যর্থ করিয়া দিয়াছিল। সের আলির শরীর তখন বক্রাক

হইয়া গিয়াছিল। সে নিজে আর আক্রমণ না করিয়া স্থিরভাবে দাঁড়াইল। শূকরটা একটুও ভয় না পাইয়া একটা বিকট শব্দ করিয়া তাহাকে আক্রমণ করিল। এবার সের আলি লাফাইয়া শূকরটার মস্তক ডিঙ্গাইয়া একেবারে তাহার পৃষ্ঠে পড়িল। কিন্তু শূকর মাটির উপর গড়াইয়া পড়িয়া তাহাকে পিঠ হইতে ফেলিয়া দিল। কিছুক্ষণ দুইজনে মাটিতে লুটাপুটী খাইয়া পরস্পরেই শূকর অণ্ডে মাটি হইতে উঠিয়া দস্ত দ্বারা সের আলির পেট হইতে গলা পর্যন্ত চিরিয়া দিল। এই আঘাতেই সের আলি একটা কষ্ট-সূচক চীৎকার করিয়া থাবার এক আঘাতে শূকরের মাথার চামড়া তুলিয়া দিয়া পক্ষত্ব প্রাপ্ত হইল। আমি ও আফজল খাঁ সের আলির সাহায্যের জন্য আগেই বাইতান, কিন্তু তাহার একটা বস্ত্রশূকর মারিবার ক্ষমতা আছে, এই বলিয়া সে আমাদেরই নিবেদন করিয়াছিল।

এখন সের আলির মৃত্যুতে ক্রোধাক্ত হইয়া আমি ও আফজল খাঁ এক সঙ্গে শূকরটাকে আক্রমণ করিলাম। লত্যা কথা বলিতে কি ঐ শূকরটা অতিশয় সাহসী ছিল। সে আমাদের দুজনের আক্রমণ এমন স্থিরভাবে সহ্য করিয়াছিল, যেম তাহার পক্ষে একটা বাঘকে মারিয়া অগ্নয় দুইটা বাঘের সহিত যুদ্ধ করা নিতানৈমিত্তিক ব্যাপার ছিল।

সের আলির স্ববস্থা বুঝিয়া আমরা সাবধান হইয়া গিয়াছিলাম এবং তাহার

নিকটে না বাইরা দূর হইতেই তাহার চারি পাশে ঘুরিয়া ঘুরিয়া আক্রমণের স্বযোগ খুঁজিতে লাগিলাম। এইরূপে প্রায় আশ ঘণ্টা ধরিয়া আমাদের যুদ্ধ চলিল। সের আলিপ্রদত্ত মাথার আঘাত হইতে রক্ত গড়াইয়া চোখে পড়ায় শূকরটা ভাল করিয়া দেখিতে পাইতেছিল না, বোধ হয় বিরক্ত হইয়াই গড়াই শেষ করিবার জন্য সে আফজল খাঁকে ভীষণরূপে আক্রমণ করিল। আফজল খাঁও লাফাইয়া তাহার পৃষ্ঠে পড়িল। শূকরটা সের আলিকে যেমন করিয়া মাটিতে ফেলিয়া দিয়াছিল, আফজল খাঁকেও সেইরূপে ফেলিবার চেষ্টা করিবে ভাবিয়া আমি প্রস্তুত হইয়াছিলাম এবং যেমনি সে মাটিতে লুটাইয়া পড়িয়াছিল অমনি তাহার টুটি কামড়াইয়া ধরিলাম। শূকরটা অনেক ধস্তাধস্তি করিয়াও আমার কামড় ছাড়াইতে পারিল না। অবশেষে একটা গোঁ গোঁ শব্দ করিয়া সে মরিয়া গেল। এই জন্মে আমাদের গর্বি করিবার কিছুই ছিল না। ইহাতে সের আলিত মরিয়াই গিয়াছিল এবং আফজলেরও ডান পাটা ভাঙ্গিয়া গিয়াছিল।

বাড়ীতে গিয়া যখন আমরা সের আলির মৃত্যুসংবাদ দিলাম, তখন বাবা তো রাগেই অস্থির, “আমি কি তোমাদিকে সন্দেহই বলি নাই যে, বুড়ো বুনো শূকরের সঙ্গে ঝগড়া করিও না, ছোট ছোট শূকর মারা খুবই সহজ, কিন্তু তাহার গায়ের লোম কটা হইতে আরম্ভ করিলেই আর

তাহাকে আক্রমণ করা যুক্তিসিদ্ধ নহে। আমি নিজে এই শূকরটাকে আক্রমণ করিতে সাহস করিতাম না।” একদিন আমি শিকার করিয়া ফিরিবার সময় একটা গোপানি শব্দ শুনিয়া এদিক ওদিক খুঁজিতে খুঁজিতে বাবাকে বনুকের গুলি খাইয়া একটা ধোপের মধ্যে ছুটকট করিতে দেখিলাম। তিনি আমাকে বলিলেন যে, তোমার মা ও আফজল খাঁ উভয়েই শিকারীর গুলিতে নিহত হইয়াছেন। পরে আমাকে একটা দূরবর্তী জঙ্গলে বাইতে পরামর্শ দিয়া তিনি প্রাণত্যাগ করিলেন। যে জঙ্গলে আমি এখন আশ্রয় লইলাম, তাহা হরিণে পূর্ণ ছিল এবং আমি ৩৪ টি হরিণ প্রতিদিন মারিতাম। একদিন আমি একটা বেশ ছোটপুটে বাঁড় মারিয়াছিলাম, সেটা হরিণ ও শূকরের চেয়ে ঢের ভাল লাগিয়াছিল। ইহার পর হইতে আমি নিকটবর্তী গ্রামবাসীদের গরু বাছুর ইত্যাদি মারিয়া খাইতাম।

একদা এক চাঁদনী রাত্রিতে পূর্ণ-দিনের মারা বাঁড়টাকে খাইতে আসিয়া দেখিলাম যে, নিকটেই একটা মাতান বাধা রহিয়াছে। আমি যখন বাঁড়টাকে মারিয়াছিলাম, তখন মাতানটা সেখানে ছিল না। ইহাতে আমার সাবধান হওয়া উচিত ছিল। কিন্তু আমি তখন অত্যন্ত আত্মনির্ভরশীল হইয়াছিলাম এবং ওদিকে দৃকপাত না করিয়াই খাইতে আরম্ভ করিলাম। কিছুক্ষণ পরে আমি দেখিলাম,

মাতানটার উপর একটি লোক রহিয়াছে। সে আমার দিকে একটা লাঠী বাড়াইয়াছিল। আমি পরে বুঝিয়াছিলাম সেটা লাঠি নয়, বন্দুক। সহসা একটা ভয়ানক শব্দ হইল এবং আমি মস্তকে আহত হইয়া পড়িয়া গিয়াছিলাম। কিছুক্ষণ পরে আমি দেখিলাম একটা লোক বন্দুক হাতে করিয়া আমার নিকটে দাঁড়াইয়া রহিয়াছে। তাহার মুখের ভাব দেখিয়া বুঝিলাম যে, এক স্তম্ভিতে আমাকে আরিতে পারায় তাহার অত্যন্ত আশ্চর্য হইয়াছে। আমি ক্রোধে অন্ধ হইয়া তাহার উরুদেশ কামড়াইয়া ধরিয়া বিড়াল যেরূপ ইন্দুর ধরিয়া কাঁকুনী দেখে দেহ-রূপে নাড়িতে লাগিলাম। যখন সে একেবারে অসাড় হইয়া গেল, তখন আমি তাহাকে ছাড়িয়া দিলাম। আমার মুখে তাহার রক্ত লাগিয়াছিল, দেখিলাম যে তাহাতে একরূপ নূতন ধরণের আশ্বাদ। আমি মনে করিলাম মানুষটাকে থাইতে আরম্ভ করি, কিন্তু তৎক্ষণাৎ বাবার উপদেশ মনে পড়িল ‘মানুষ কখনও থাইও না।’ মানুষ থাইলে মৃত্যু অবশ্যজ্ঞাবী। বাবার কথা অনেক সময়েই ঠিক ঠিক ফলিয়াছে বলিয়া আমি নিতান্ত অনিচ্ছার সহিত মানুষটাকে থাইতে বিরত হইয়া ঝাঁড়টাকে থাইতে লাগিলাম।

ইহার পর অনেক বৎসর কাটিয়া গেল। ইহার মধ্যে আমার এই জীবন-কাহিনীতে সন্নিবেশিত হইতে পারে এমন কোন উল্লেখযোগ্য ঘটনা ঘটে নাই।

এই সময়ে সে দেশে ভয়ানক অনাবৃষ্টি হইয়াছিল। গ্রাম্য লোকদিগের গরু বাছুর সব খাজাভাবে মরিয়া বাইতেছিল ও গ্রামবাসীরা নিজেদের অস্থিচর্শসার হইয়া গিয়াছিল। আমি তিন দিন কোনও রূপ খাদ্যের যোগাড় করিতে না পারিয়া নদীর ধারে একটা ঝোপের আড়ালে চূপ করিয়া শুইয়াছিলাম। এমন সময়ে গ্রামের জুদখোর মোটা বেনেটা সেই নদীর ধারে আসিয়াছিল ও আমাকে দেখিতে না পাইয়া প্রায় আমার বাড়ির উপর পড়িয়াছিল। আমি সরিয়া বাইতেছিলাম, কিন্তু বাঘ দেখিয়া সে ভয়ে এমন জোরে তাহার হাতের লাঠির দ্বারা আমার মাথাঘ আঘাত করিয়াছিল যে, সেই গুরুতর আঘাতে আহত হইয়া আমি আর আমার স্বাভাবিক ক্রোধ ও হিংস্র স্বভাবকে সংবত রাখিতে পারিলাম না।

ক্রোধে তাহার দিকে ফিরিয়া থাঁবা চালাইলাম। যদিও আমি বেশী জোরে থাঁবা মারি নাই, তবু তাহাতেই বেনের ঘাড় ভাঙ্গিয়া গিয়াছিল। প্রথমে আমি তাহাকে থাইব না মনে করিয়াছিলাম, কিন্তু দুদিন অনাহারে ছিলাম ও বেনে বেশ জটপুষ্ট ছিল বলিয়া লোভ সামলাইতে না পারিয়া তাহাকে থাইতে আরম্ভ করিলাম।

ইহার পর হইতে আমার এক বিপদ উপস্থিত হইল। ভাল জিনিষের আশ্বাদ পাইলে মানুষের মুখে যেমন আর মন্দ

জিনিবটা রুচে না, সেইরূপ মানুষের মাংসের আবাদ পাইরা আমার আর অন্য কোন জন্তুর মাংসে কচি গ্রহণ না। এক বৎসর বাইতে না বাইতেই আমি আশপাশের গ্রাম হইতে প্রায় ৫০ জন মানুষ মারিয়া-ছিলাম। এই সময়ে আমার একটা শৃগালের সহিত খুব বন্ধুত্ব হইয়াছিল। কারণ সে মানুষের মাংস খাইতে খুব ভাল বাসিত এবং আমার আহাৰাবশিষ্ট মাংসে তাহার বেশ চলিয়া যাইত। আমি দেখিয়াছি, মানুষের মধ্যে বড় লোকদের ছেলের নিকটে এই রকম কতকগুলি উচ্ছিষ্টকোজী পোষ্য বাস করে। শৃগালের সহিত বন্ধুত্ব হওয়াতে আমার উপকারও খুব হইয়াছিল। যখনই আমাকে ধরিবার বা মারিবার জন্ত গ্রাম-বাসীরা কোন আয়োজন করিত, তখন শৃগালটা কাছে কাছে থাকিয়া সমস্ত দেখিয়া শুনিয়া আসিয়া আমাকে সাবধান করিয়া দিত। সরকার বাহাদুর এই সময়ে আমাকে ধরিবার জন্ত ৫০০০ টাকা পুরস্কার ঘোষণা করিয়াছিলেন। আমি তাহা শুনিয়া মনে মনে খুব আনন্দিত হইয়াছিলাম। শিকারীরা পুরস্কারের আশায় আমাকে ধরিতে অথবা মারিতে যথেষ্ট চেষ্টা করিয়াছিল, কিন্তু আমার বন্ধু শৃগালের সতর্কতার জন্ত আমি সকল বিপদ হইতেই উদ্ধার হইতে পারিয়াছিলাম।

আমার এখন বোধ হয় যে, যদি

শৃগালের সহিত আমি ঝগড়া না করিতাম, তাহা হইলে আজও পর্যন্ত নিশিজে লজ্জা লজ্জা শিকার করিয়া বেড়াইতে পারিতাম। একদিন শৃগালটা আসিয়া আমাকে বলিল “হজুর! আপনি গত সপ্তাহে যে কাঠুরিয়াটাকে তাহার ঘরে ঢুকিয়া মারিয়াছিলেন, তাহার কথা মনে আছে ত? তাহার জী ছুইটা ছেলে লইয়া এখনও সেই ঘরেই বাস করিতেছে। দরজার একপ অবস্থা যে, আপনি একটু ঠেলা দিলেই পাড়িয়া যাইবে।” আমি বলিলাম “বেশ তা আজ রাত্রিতে সেই-খানেই শিকার করা যাইবে।” আমরা কাঠুরিয়ার বাড়ীর নিকটে গিয়া দরজার ফাঁক দিয়া দেখিলাম যে, কাঠুরিয়ার জী খাবার প্রস্তুত করিয়া তাহার ছেলে দুটাকে খাইতে দিতেছে। বড় ছেলেটি এক খানা বাঁশ-কাটা দা লইয়া বলিল “আমি বড় হুগে বাবার মত কাঠুরিয়া হইব। আচ্ছা না। বাবা কোণায় গিয়াছেন? কবে আসিবেন?” এই কথা শুনিয়া জী-লোকটা কাদিতে কাদিতে বলিল “তিনি আর ফিরে আসবেন না। তবে একদিন আমরা সকলে তিনি যেখানে গেছেন, সেইখানেই বাব।” অতঃপর জিজ্ঞাসা করিল “তিনি কেন চলে গেলেন? তিনি কি এখানে স্থায়ী ছিলেন না?” ইহাতে জীলোকটা মুখ ঢাকিয়া কোঁপাইয়া কোঁপাইয়া কাদিতে লাগিল। সেই মুহূর্ত্তে আমি এই সব দরিদ্র লোকদিগকে কত কষ্ট দিয়াছি তাহা সর্বপ্রথম বুঝিতে

পারিলাম। সহসা আত্মপ্রাণি ও অহুতাপে
 পুড়িতে পুড়িতে আমি মনে মনে ভাবিলাম,
 আর আমি মাহুস মারিব না। এমন সময়ে
 শৃগালটা বলিল “হুজুর আর বিলম্ব করিতে
 ছেন কেন? ছেলেটাকে দেখেত আমার
 জিব্ দিয়ে জল পড়ছে।” আমি বলিলাম
 “হতভাগা পেটুক দূর হ। আমি আর
 কখনও মাহুস মারিব না।” শৃগাল এই
 কথা শুনিয়া রাগিয়া সেখান হইতে চলিয়া
 গেল। আমিও তাহার পিছনে পিছনে
 চলিয়া আসিলাম। কিছু দূরে এক স্থানে
 গাছের পাতা খুব বন করিয়া ছড়ান
 রাখিয়াছে দেখিলাম। দেখিয়াই সেটা
 ঘেঁষে কিছু অস্বাভাবিক বলিয়া বোধ
 হইল। আমি ফাঁদ আছে সন্দেহ করিয়া
 দাঁড়াইলাম। কিন্তু শৃগাল আমার এই ভয়
 দেখিয়া অবজ্ঞাসূচক ভঙ্গী করিয়া নির্ভয়ে
 সেই পাতা-ডাকা স্থানটার উপর দিয়া
 চলিয়া গেল। তাহা দেখিয়া আমিও তাহার
 অনুসরণ করিলাম। কিন্তু অর্ধেক দূর
 যাইতে না যাইতেই বনাৎ করিয়া একটা
 শব্দ করিয়া ইঁদুরকলের মত দাঁত ওয়ালা
 দুটা প্রকাণ্ড লোহার মূল লাফাইয়া উঠিয়া
 আমার সম্মুখের ডান পাটা কামড়াইয়া
 ধরিয়াছিল। আমি অনেক চেষ্টা করিয়াও
 নিজের সে পাটা মুক্ত করিতে পারি
 নাই। শৃগালটা বোধ হয় জানিত যে,
 তাহার কুদ্র শরীরের ভারে ফাঁদটা খুলিয়া
 যাইবে না এবং সেই জন্তই সে সাহস করিয়া
 তাহার উপর দিয়া গিয়াছিল। এখন সে

আমাকে বলিল “হুজুর এ ফাঁদটার বিষয়ে
 আপনাকে আমি সাবধান করিয়া দিতে
 পারিতাম, কিন্তু ‘হতভাগা পেটুক’ বলিয়া
 আপনার মত মহৎ লোককে কোন কথা
 বলিতে সাহস করি নাই।” এই বলিয়া
 সে চলিয়া গেল। সে রাগি আমি যে
 যন্ত্রণা ভোগ করিয়াছি, তাহা অসহ্য। তবু
 তখনও আমি মনে মনে ইহাও আশা
 করিতেছিলাম যে, সকাল হইলে মাহুসেরা
 আসিয়া আমাকে মারিয়া ফেলিয়া আমার
 সকল কষ্টের শেষ করিয়া দিবে। কিন্তু
 সকালে মাহুসেরা আসিয়া আমার সাধারণ-
 ব্যায়হুজ প্রকাণ্ড শরীর দেখিয়া
 আমাকে না মারিয়া একটা প্রকাণ্ড
 লোহার গরাদে যুক্ত প্রকাণ্ড পিঁজার মধ্যে
 বন্দী করিল। পরে আমাকে গরুর
 গাড়ীর উপর করিয়া এবং অবশেষে
 খুব ক্রতগামী রেলগাড়ীতে চড়াইয়া এখানে
 আনিয়া রাখিয়া দিয়াছে। এখানে সিংহ,
 নেকড়ে বাঘ, চীতা বাঘ, হস্তী, ভল্লুক
 প্রভৃতি জন্তু বন্দী আছে দেখিতেছি।
 ইহারাও হয়ত এক দিন বনে বনে আমার
 মত শিকার করিয়া বেড়াইত। এখন
 যেখানে আসিয়াছে লোকে তাহাকে
 চিড়িয়াখানা বলে। আমার এখানটা
 মোটেই ভাল লাগে না। তবে জ্বখের
 বিষয় এই যে, আমাকে আর বেশী দিন
 বাঁচিতে হইবে না। মরিলেই আমি
 এখন বাঁচি।

শ্রীঅশ্বজনাথ বন্দ্যোপাধ্যায়।

ভারত-সম্রাটের প্রতিগমন ।

এগেছিলে তুমি ভারত-সম্রাট,
অদেশ আবার চলিলে ফিরিয়া,
দেখিলে ভারতে পথ মাঠ ঘাট
তোমারে দেখিয়া উঠিল মাতিয়া ।

দেখিলে ভারতে দ্বিংশ কোটি নর,
দেখিলে তোমারে দেখিয়া সকলে
তুলিয়া উচ্চৈঃসে কোটি কণ্ঠস্বর
পাইল তোমার জয়শ শব্দে ।

বাল, বৃদ্ধ, যুবা, পুরাঙ্গনা যত
তোমারে দেখিতে আসিল ছুটিয়া,
পথের ভিখারী, অন্ধ শব্দ কত
উঠেছিল তারা আনন্দে মাতিয়া ।

বেতহে চলিয়া যায়েছে নৃপতি,
মনে রেখ চির ভারতের কথা,
মনে রেখ চির-রাজতন্ত্র জাতি
গায়ে চিরদিন তোমার বারতা ।

মনে রেখ স্বত্ব ভারতনারীর,
মনে রেখ তুমি তাহাদের কথা,
মনে রেখ তারা মহিষী “মেরী”
শত যুগে গায়ে যশোভণ-গাথা ।

পরায়ীনা নারী গায়ে তবু তারা
গৌরব তোমার শত কণ্ঠে সবে,
লাজিতা বিধবা—যুগে নাছি সাড়া,
তারাও তোমার যশোভণ গায়ে ।

দেখিও তাদের বলি হে নৃপতি,
দেশাচারে তারা সদাই দগ্ধিত,
দেখিও তাদের চিরহুশী জাতি,
দেখিও তারা চির নির্যাতিত ।

শিথেনি ভারত এখনো শিথেনি,
নারীর মর্যাদা এখনো বুঝে না,
তাই রেখ মনে—ভারতরমণী
তোমারে কখন ভুলিয়া হবে না ।
শ্রীগৌরীপ্রসাদ মজুমদার ।

নূতন সংবাদ ।

১। আমেরিকার সিকাগো নগরে হুঃহ
ও রক্ত কবিদিগের জন্ত একটি আশ্রম
নির্মিত হইতেছে। যে সকল কবি এক
সময় কবিতা-রচনা-নৈপুণ্য দ্বারা খ্যাতি

লাভ করিয়াছেন, তাঁহারা যোগাজ্ঞাস্ত
হইয়া নিরুপায় হইলে তাহাদিগকে ঐ
আশ্রমে আশ্রয় প্রদান করা হইবে।

২। বিগত মাট্রিকুলেশন ও ইন্টার-

মিডিয়েট পৰীক্ষায় নিম্নলিখিত ছাত্রী
ছইটি বিশিষ্ট বৃত্তি গ্রাপ্ত হইয়াছেন।

ম্যাট্রিকুলেশন পরীক্ষা।

প্রিয়নাথ দত্তবৃত্তি।

জ্যোতিষ্মদী ঘোষ—কটক মডেল

বালিকা বিদ্যালয়।

ইন্টারমিডিয়েট পরীক্ষা।

প্রিয়নাথ দত্তবৃত্তি।

ক্ষেমদা রায়—বেণু কলেজ।

৩। মহীশূর গবর্ণমেন্ট ঘোষণা
করিয়াছেন যে, ১৯১২ খ্রীষ্টাব্দের ১লা
জানুয়ারী হইতে বাঙ্গালার, মহীশূর,
হাসান, শিমাগো, কোলার, তুমকর, চিতল-
ফ্রগ্ ও কাজির নগরে বাসকদিগের ধুম-
পান-নিষেধক আইন জারি হইবে।

৪। এইবার করাচী বন্দরের যথেষ্ট

উন্নতি হইবে। ইহার আরতনও বর্ধিত
হইতেছে। ইহাই দিল্লী রাজধানীর বন্দর
হইবে।

৫। দেখিতে দেখিতে আবার ইংরাজি
১৯১১ খ্রীষ্টাব্দ আমাদিগের নিকট হইতে
বিদায় গ্রহণ করিয়া অনন্ত কালজলবি-
বক্ষে ধীরে ধীরে বিলীন হইল। নানা
कारणे এই অল্পকাল আমাদিগের
চিত্ত অধিকার করিয়া থাকিবে। তন্মধ্যে
ভারত-সম্রাটের শুভাগমন, বঙ্গভেদ
নিরাকরণ ও রাজধানী পরিবর্তন, এই গুলি
প্রধান। ইটালী ও তুরস্কের সমর,
চীনরাজ্যের মহাবিপ্লব, পারস্ত রাজ্যের
রাজনৈতিক দুরবস্থা প্রভৃতি ঘটনার
জনাও ইহা জগদবাসীর স্মরণীয়
থাকিবে।

বামারচনা।

রাজ-অভ্যর্থনা।

(১)

হইল ভারত-গগন উজ্জল

তরুণ অরুণ-কিরণে আজি,

নিশি অবসানে আসিল দিবস

মনোহর বেশে, আজি গো সাজি।

(২)

ওকান বুকুল ফুটিল আবার

মধুর প্রভাতে শিশির-মাধা;

ভজরে ভ্রমর আদরে সোহাগে

ফোটা ফুল' পরে কাপায়ে শাখা।

(৩)

মঙ্গল সমীত গাহিছে মধুর

কোকিল পাগিয়া কাপায়ে শাখা,

বহিছে তটিনী উল্লাসে মাতিয়া

সৈকতে আকিরা রজত-রেখা।

(৪)

ভারতের আজি বড় শুভ দিন,
এলেন নতুন ভূপতি স্বারে,
দুঃখিনীর আজি দুঃখ যুটাইতে
বতনে মুছাতে নয়নধারের।

(৫)

এস মহারাজ! এস মহারাজি!
দীনা অভাগিনী জনগণ-বাসে,
কত মাম, বর্ষ, বৃণ, যুগান্ত
ভারত বাচিছে আপন পাশে।

(৬)

পিতা মাতা তার দেখিতে আরেক
এসেছেন যদি কৃপা বরবলে,

এত দিনে আশা মিটিল তাহার

এস রাজা রাণী! তারি ভবনে।

(৭)

মলিন বদনে কুটেছে যে হালি
তোমারি নয়ন এ শুভ দিনে,
কৃতজ্ঞ ভারত সপুল আজি গো
নমে মহারাজ তোমারি চরণে।

(৮)

এস মহারাজ! এস মহারাজি!
সম্মান-ভবনে লইতে পূজা,
ত্রিশ কোটি কণ্ঠে গাহিছে উচ্চসে
“জয় মহারাজি! জয় মহারাজি!”
শ্রীমতী মেহশীমা চৌধুরানী।

আজি প্রাণ কি জানি কি চায়।

(১)

আজি প্রাণ কি জানি কি চায়।
উপরে মেঘের তর, মৃৎ ছায়া তার পর,
রবির রক্তিম আভা তার।

২

আজি প্রাণ কি জানি কি চায়।
বাতাস আর বহে নাতি যেন শুক হয়ে রহে
ক্ষীরা নদী ধীরে বয়ে যায়।

(৩)

আজি প্রাণ কি জানি কি চায়।
তরণী উপরে নেয়ে কি জ্বর উঠিছে গেয়ে
পরাণ টানিছে যেন তার।

(৪)

সলিমে রক্ষিমা মেখে, প্রকৃতি দিরাছে

একে,

বিশাল অ.কাশপট তার।

শাব্বির কোমল ছায়ে ওপারে শ্রামল ভূয়ে
মার্থামাধি লক্ষ্য পাতায়।
আজি প্রাণ কি জানি কি চায়।

(৫)

তরুফোলে রাশি মাথা, ব্রততী কহে কি
কথা,

কোকিলা আপন মনে গায়,
শ্রাম সন্ধ্যা ধীরে এসে, দাঁড়ায় ধরার পাশে
চুলে চুলে ধুল পড়ে গায়।

(৬)

আজি প্রাণ কি জানি কি চায়।
হুট মেঘে নদীতীরে চাহিয়া রয়েছে মোরে
অকল উড়িছে বীরে বার।

হাসি হাসি স্তম্ভা মুখ, ধনয়ে নাহিক স্তম্ভ,
বিবাদ ভাবনা নাহি তার।
সুদূরে আকুল স্বরে কে যেন ডাকিছে কারে,
কাছে এসে বারে ভেসে যায়।
আজি প্রাণ কি জানি কি চায়।

(৭)

আজি দিবা অবসানে, কাহারে বা পড়ে
মনে,
পরান ছুটিয়া কেন যায় ?
কে কি বলে কাণে কাণে,
বায়ু কারে ঢেকে আনে
করিবারে পাগল আশায়।

(৮)

কুল কেন ভাসে ঢেউয়ে, পাখী কেন উঠে
গেয়ে,
কেন তরী ব'রে যায়।
নদী কেন বহে ধীরে, ছায়া কেন পড়ে নীরে,
মান রবি লক্ষণ চায় ?

(৯)

ভ্রমি বিশ্ব একা একা, চাহে প্রাণ কার পেয়া,
হিয়া ঢাকা তীর বাসনায়।
আজি প্রাণ কি জানি কি চায়।
শ্রীমতী শ্রিরবালা ঝাড়,
মহকুমা নানিকগল, জেলা ঢাকা।

রাজসূর-যজ্ঞ।

আজি বহু যুগ-যুগান্তর পর,
ইউরোপ হ'তে ইংলণ্ড-ঈশ্বর,
প্রথম আসি এ ভারত-ভূমে,
সম্রাজ্ঞীর সহ ভারত-সম্রাট—
রাজসূর যজ্ঞ মহান্ বিরাট—
করিছেন স্মৃথে বিপুল ধূমে!!

যেখানে বাপরে রাজসূর-যজ্ঞ
করেছিল রাজা পাণ্ডব ধর্মাজ্ঞ,
সেই দিল্লী ধাম হস্তিনাপুরে
ভারতবাসীর মোতাগো আবার,
পঞ্চম-অর্জুনের এ যজ্ঞ ব্যাপার
হতেছে কতই বরষ ঘুরে।

নিজাম, বরদা, ভোট, পাতিয়াল,
কাশ্মীর, মিকিরা, বেগম ভোপাল,

যোধপুর-ভূণ, কাশীর রাজ।
বিকানীরপতি, রাণা উদিপুর,
অযোধ্যা-নবাব, রাজা জিৎসুর,
করেছেন সবে কুণীশ আজ।

ধনা ভাগাবান্? ধনা মহাবান্!
অধিতীয় তুমি একছত্রী আজ,
সমকক্ষ তব অগতে নাই।
যত রাজা রাণী, নবাব বেগম,
দিতে রাজকীয় উজ্জিত সম্মান,
সমাপ্ত সবে এ যজ্ঞে তাই।

ভারতীয় প্রজা মোরা সর্বজনে,
নতশিরে রাজদম্পতীচরণে,
ভক্তি-অর্থ দিহু অঞ্জলি ভরি।
আমরা কেবলি এই ঙ্গব জানি,

রাজা নারায়ণ, নারায়ণী রাণী,
জাতি ধর্ম জাদি কিছু না ধরি।
মাগরে কামান, মাগ গোলকাজ !
জুড়ুন জুড়ুন হোক আওয়াজ,
দেখুক সর্বত্র সকল জন।
সম্রাটের রাজ-চক্রবর্তী বলে
মানিতে হাজির এই বজ্রহলে,
রাজভক্ত বস্ত্র প্রকৃতিগণ।
উড়াও রে পতাকা, পতাকাবাহী।
দেখুক সকলে সবিস্ময়ে চাহি,
একই রাজার নিশান-তলে,—
হিন্দু, মুসলমান, পার্শী, খ্রীষ্টান,
ভিন্ন ভিন্ন ধর্মী জাতি সে নানান
সম্মিলিত সবে সমল-বলে।

বস্ত্র বাজর। বাজা যথেষ্ট কাজ,
ঢাক, ঢোল, কাশী, সেতার, এতাদ্য,
ললিত সানাই, মৃদঙ্গ, তেরী।
—জরে জম্বুখনি উঠুক বিরাট,
জয় “পঞ্চম জর্জ” জয় সম্রাট !।
জয় ভারতের স্বরাজ্যী “মেরী” ॥
বাজাও বুটপ বাজকরগণ।
সজোরে সবনে বুটপ বাদন,
হুইয়ে সকলে গম্ভীর-প্রাণ।
ভরাতবাগীর প্রাণের প্রার্থনা,
বুটনের গতে বাজাও বাজনা
“গড্ সেভ্ মি কিং কুইন্” গান।
শ্রীমতী সুশীলা সুনারী মিজ,
শোভারাজার রাজবাটি।

সম্রাট আগমনে।

নিজে দয়া বিসাইতে,
প্রজা-অন্ত মুছাইতে,
আসিয়া ইংলণ্ড হতে
করিলেন মঙ্গল-বোধণ।
করে গয়ে রাজাভার,
পার হয়ে পারাবার,
তাজি পুরি আগনার
আসিলেন ভারতরঞ্জন।
উঠালেন বজ্রজেন্দু,
ঘুচালেন দম-খেদ,
রাজরাণী সত্যবেদ
যেখো সবে বতনে স্মরণ।

অচকে দেবিল নয়
ভিত্তোরিয়া বংশধর
হয়েছেন মঙ্গুধর
শিরে ধরি মুকুট ভূষণ।
ভেবে দেখ আগে পাছে,
তীরে দিবে কিবা আছ,
সুদিতরা ভক্তি কাছে
ধরাধামে নাহি কোন ধন।
ভারত মোণার ধনি,
বহু-রত্ন-জামবিনী,
উঠগো দরিদ্রা ধনি,
গৃহ তীরে করিয়া বরণ।

মহাট হুহুদী সঙ্গে,
 রোধ করি বরষাধে,
 আসিছেন দীন বরে
 দাও ভক্তি বিধিবদ্ধন।
 সম্মান সমান প্রজা
 গালিও যতনে রাজা,
 দেশে দেশে শুকা হাজা
 ব্যর্থ করে রাজ-আগমন।
 রাজার করুণা আশে
 দাঁড়াইয়া পথপাশে
 জানাতে রাজসকালে
 সকলের মনের বেদন।
 পাইবে অভয় বাণী
 মনে ছেন অহুমানি
 দীন দুঃখী বস্ত্র প্রাপী
 সবে আজি আনন্দে মগন।
 পাণ্ডব-গৌরব যথা

রাজবুয় বজ্র তথা
 হয়েছিল, সে বারতা
 কে না জানে মাঝে বিভ্রম।
 অশ্রুসরি মে কাহিনী
 ইচ্ছা গড়ে রাজধানী
 আদেশিলে শ্রুগমনি
 ভিত্তি তার করিলে স্থাপন।
 উদার রাজা মহান
 করুন ছেন বিধান,
 যেন অন্ন-সংস্থান
 করিবারে পারে প্রজাগণ।
 শিরোমুখি যাতে হয়
 বাগিচা সুগম হয়,
 কণা রাজা সদাশয়
 যুক্ত করে এই নিবেদন।
 শ্রীমতী সরযেশ্বরী দেবী।
 ১৮৮৩, অক্টোবর মাসের গণি।

১৮৮৪ নং মধুবাচ জেন, ইতিহাস প্রমে শ্রীমদ্রাধাচ চন্দ্রোপাধ্যায় কর্তৃক মুদ্রিত

৭

শ্রীমদ্রাধাচ কবীর দত্ত কর্তৃক ৯ নং আশুনিবাগান জেন হইতে প্রকাশিত।